


中唐詩集

未裝籍



漢書門類		
三	八	〇
九	函	號
一	二	冊

內閣文庫		
三	八	〇
九	函	號
一	二	冊

內閣文庫	
番號	漢 3809
冊數	12 (8)
函號	319 142



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



唐張司業詩集目錄

五言古

野居

雜怨

七言古

寄遠曲

征婦怨

野老歌

送遠曲

漢書文庫

西州

三原李氏園宴集

行路難

白紵歌

寄衣曲

築城詞

猛虎行

別離曲

牧童詞

沙堤行

求仙行

古釵嘆

各東西

節婦吟

讌客詞

永嘉行

採蓮曲

傷歌行

吳宮怨

非邛行

關山月

少年行

白頭吟

將軍行

賈客樂

羈旅行

車遥遥

妾薄命

朱鷺

遠別離

楚宮行

江南曲

烏啼引

促促詞

宛轉行

五言律

薊北旅思

江南春

西樓望月

別鶴

江陵孝女

山中古祠

漁陽將

聽夜泉

送南遷客

薊北春懷

思遠人

贈同谿客

望行人

送宮人入道

送越客

贈辟穀者

思江南舊遊

夜到漁家

送邊使

不食姑

古苑杏花

送流人

宿臨江驛

送蠻客

襄國別友

送遠客

上國贈日南僧

征西將

寄友人

送防秋將

律僧

山中秋夜

送南客

宿江店

嶺外逢故人

出塞

寄紫閣隱者

一夜宿黑窰谿

古樹

送徐先生歸蜀

隱者

送友人歸山

雲谿西亭晚望

哭山中友人

荅僧拄杖

靈都觀李道士

送韋評事歸華陰

送閩僧

送海客歸舊島

登咸陽北寺樓

送新羅使

宿廣德寺

宿邯鄲館

舟行寄李湖州

送間師歸江南

遊襄陽山寺

登城寄王建

送從弟戴玄

送朱慶餘

過賈島野店

酬韓庶子

贈姚合少府

送僧遊五臺

送鄭秀才歸寧

送李評事遊越

閒居

寄昭應王中丞

酬孫洛陽

送人任濟陰

晚春過東園

夏日閒居

晚秋閒居

和陸裴司業

酬韓祭酒

和裴僕射

早春曲江見招

酬裴僕射朝回

春日書情即事

和李僕射

早春病中

送嚴大夫之桂州

詠懷

使至藍谿驛

留別王少府

贈海東僧

寄漢陽故人

送安西將

題李山人幽居

早春閒遊

贈太常藤杖笋鞋

和周贊善

送李騎曹

寒食夜寄

題清徹上人院

和裴司空即事

使回留別李司空

和戶部令狐尚書

和裴司空以詩請

同胡郎中西亭宴

莊陵挽歌詞 三首

和左司元郎 十首

經王處士原居

不食仙姑山房

江頭

寄孫冲主簿公

贈任懶

舊宮人

春日留別

沒蕃故人

五言排律

和 李僕射雨中寄

酬 李僕射晚春寄

憶 盧常侍寄鄭隱者 和 令狐尚書

送 鄭尚書出鎮南海 徐州試

省 試行不由徑 新城甲使樓

贈 殷小人 夏日可畏

罔 象得之珠 和 李僕射西園

七言律

送 裴相公鎮太原 寄 元員外

贈 梅處士 贈 王秘書

謝 裴司空寄馬 酬 秘書王丞

送 李餘及第歸蜀 早 朝寄白舍人

書 懷寄元郎中 贈 僧道

書 懷寄王秘書 題 韋郎中新亭

送 揚州判官 喜 王侍郎放牒

賜 王司馬 書 懷

贈 令狐博士 送 從弟刪東歸

贈 王秘書 哭 丘長史

移 居靜安坊 送 楊少尹

送韓侍御歸山

新除水曹郎

送楊少尹赴蒲城

哭元九少府

送侯判官

登望盡圖見寄

贈趙將事

送和蕃公主

寒食內宴

二首

朝日勅賜櫻桃

太白老人

和裴司空

寄和州劉使君

贈商州王使君

寄令狐賓客

寄梅處士

送施肩吾東歸

崑崙兒

贈李杭州

送鄭尚書赴廣州

賀秘書王丞

送令狐尚書

拜豐陵

贈孔尚書

酬杭州白使君

寄蘇州白使君

送白賓客

贈閻少保

贈別王侍御

田司空八朝

送浙西周判官

送吳鍊師

送邵州林使君

寄王六侍御

送稽亭山寺僧

送汀州元使君

寄孫洛陽格

胡山人歸王屋

寄處州韓使君

送從弟赴饒州

羅道士

寄陸渾趙明府

同蔣韋二少監

贈王侍御

送金少卿

送李司空鎮襄陽

送李僕射鎮鳳

寄白舍人

五言絕句

宿雲亭

梅溪

茶嶺

流杯渠

盤石磴

桃塢

竹巖

琵琶臺

胡蘆沼

隱月岫

繡衣石榻

上士泉餅

送遠客

寄西峯僧

禪師

惜花

題暉師影堂

涇州塞

野田

岸花

七言絕句

送蜀客

送元結

宮山祠

美人宮棊

蠻州

送元宗簡

寄徐晦

寄白學士

喜王六同宿

題玉像堂

與賈島閒遊

哭丘長史

哭孟寂

患眼

答劉競

贈華嚴院僧

逢故人

送蕭遠弔

送辛少府

贈任道人

招周居士

送許處士

送律師歸婺州

題楊秘書新居

送眭師

送僧往全州

尋徐道士

答開州韋使君

憶故州

送客遊蜀

送陸暢

感春

贈李司議

別客

登樓寄胡家兄弟

答劉明府

酬藤杖

法雄寺東棲

寄故人

鄰婦哭征夫

和崔駙馬聞蟬

和裴僕射

和郭明府會飲

唐昌觀看花

九華觀看花

贈姚合

同韋員外尋時道士

同韓侍御夜賞

使行望悟真寺

重陽日至峽道

贈主客劉郎中

同嚴給事

愁思

憶遠

玉仙館

寄府吏

張蕭遠雪夜同宿

涼州詞

宮詞

華清宮

崔駙馬養鶴

閒遊

劉兵曹贈酒

送梧州王使君

春日早朝

寄朱闕二山人

寄李渤

尋仙

杏園贈別劉郎中

答鄱陽客

寄宋景

寄王奉御

題渭北寺上人

閒遊

倡女詞

答元八遣紗帽

題僧院

送元八

吳楚歌詞

題方睦上人

華山廟

病中酬元宗簡

寺宿齋

贈施肩吾

贈王建

逢賈島

楚妃怨

離宮怨

成都曲

寒塘曲

春別曲

臺城

春詞

浪淘沙詞

傷愚溪 二首

聽舊宮人唱歌

楊柳枝詞 二首

宿都庭有懷

無題

堤上行 二首

竹枝詞 五首

楊柳送客

送客還幽州

揚州送客

隋宮燕

山禽

秋山

玉真觀

蠻中

贈道士

重平驛作

宿天竺寺

樂府三十三首

隴頭行

廢宅行

秋夜長

塞上曲

董逃行

江村行

湘江曲

白巖吟

樵客吟

春江曲

烏棲曲

短歌行

雲水行

雲童行

長塘湖

雀飛多

寄菖蒲

山頭鹿

憶遠曲

春堤曲

湖南曲

春水曲

送遠曲

楚妃怨

春日行

廢瑟詞

洛陽行

懷別

離婦

新桃

惜花

古風二十七首

董公詩

學仙

沈千運舊居

懷友

寄韓愈

別段生

贈姚怱

傷于鵠

獻從兄

南歸

卧疾

贈孟郊

城南

夜懷

奉和舍人

野寺後池寄友

寄別者

病中宇白學士

雨中寄元宗簡

惜花

別于鵠

祭退之

山中醜人

岳州晚景

水野居

送安法師

寄靈一上人

夏日閒居

老将

訓浙東元尚書

贈項斯

題故僧影堂

觀唐詩

觀唐詩

卷終

陪從東宮

寄董二上人

夏日聞

水

送張

山中翫人

送張

限干豔

祭

雨中寄元宗簡

送

寄張

送

奉味舍人

送

唐張司業詩集卷八

國子司業張籍文昌著

江左蘭嵎朱之蕃校

五言古詩

野居

貧賤易為適荒郊亦安居端坐無餘思彌樂古人
書秋田多良苗野水多遊魚我無未與網安得充
廩厨寒天白日短簷下煖我軀四肢漸寬柔中易

鬱不舒多病減志氣為客足憂虞况復時節晚
景獨踟躕

西州

羗胡據西州近甸無邊城山東收稅租養我防塞
兵胡騎來無時居人常震驚嗟我五陵間農者罷
耘耕邊頭多殺傷士卒難全形郡縣發丁役丈夫
各征行生男不能養懼身有姓名良馬不念秣烈
士不苟營所願除國難再逢天下平

雜怨

切切重切切秋風桂枝折人當少年嫁我當少年
別念君昨征行年年長遠途妾身甘獨歿高堂有
舅姑山川豈遙遠行人自不返

三原李氏園宴集

暮春天早熱邑居苦囂煩言從君子樂樂彼李氏
園園中有草堂池引涇水泉開戶西非望遠見嗟
峨山借問主人翁非州佐戎軒僕夫守舊宅為客
施榻筵高壤有餘滋竹樹芳且鮮傾我所持觴盡
日共留連踈拙不偶俗常喜形體閒况來幽棲地

能不重笑言

七言古

寄遠曲

美人來去春江暖江頭無人湘水滿浣紗石上水
禽栖江南路長春日桂蘭舟桂楫常渡江無因重
寄雙瓊璫

行路難

湘東行人長嘆息十年離家歸未得弊裘羸馬苦
難行僮僕飢寒少筋力君不見牀頭黃金盡壯士

無顏色龍蟠泥中未有雲不能生彼升天翼

征婦怨

九月匈奴殺邊將漢軍全沒遼水上萬里無人收
白骨家家城下招魂葬婦人依倚子與夫同居貧
賤心亦舒夫死戰場子在腹妾身雖存如畫燭

白紵歌

皎皎白紵白且鮮將作春衣稱少年裁縫長短不
能定自持刀尺向姑前復恐蘭膏汗織指常遣傍
人收墮珥衣裳着時寒食下還把玉鞭鞭白馬

野老歌

一作山農詞

老翁家貧在山住耕種山田三四畝苗疎稅多不
得食輸入官倉化為土歲暮鋤犁倚空室呼兒登
山收橡實西江賈客珠百斛船中養犬長食肉

寄衣曲

織素縫衣獨苦辛遠因回使寄征人官家亦自寄
衣去貴從妾手着君身高堂姑老無侍子不得自
到邊城裏慙慙為看初着時征夫身上宜不宜

送遠曲

戲馬臺南山簇簇山邊飲酒歌別曲行人醉後起
登車席上回尊勸僮僕青天漫漫覆長路遠遊無
家安得住願君到處自題名他日知君從此去

築城詞

築城處千人萬人抱把杵重重土堅試行雖軍吏
執鞭催作遲來時一年深積裏着短衣渴無水
力盡不得休杵聲杵聲未定人皆死家家養男當
門戶今日作君城下土

猛虎行

南山北山樹冥冥猛虎白日繞林行何晚一身當
道食山中麋鹿盡無聲年年養子在空谷雌雄上
山不相逐谷中近窟有山林長向村家取黃犢五
陵年少不敢射空來林下看行迹

別離曲

行人結束出門去幾時更踏門前路憶昔君初納
采時不言身屬遼陽戍早知今日當別離成君家
計良為誰男兒生身自有役那得誤我少年時不
如逐君征戰死誰能獨老空閨裏

牧童詞

遠牧牛遠村四面禾黍稠陂中飢鳥啄牛背令我
不得戲龍頭入陂草多牛散行白犢時向蘆中鳴
隔堤吹葉應同伴還鼓長鞭三四聲牛群食草莫
相觸官家截爾頭上角

沙堤行呈裴相公

長安大道沙為堤風吹無塵雨無泥宮中玉漏下
三刻朱衣導騎丞相來路傍高樓息歌吹千車不
行行者避街官閭吏相傳呼當前十里惟空衢白

麻詔下移相印新堤未成舊堤盡

求仙行

漢皇欲作飛仙子年年採藥東海裏蓬萊無路海
無邊方士舟中相枕死招搖在天迴白日甘泉玉
樹無仙實九皇真人終不下空向離宮祠太乙丹
田有氣凝素華君能保之昇絳霞

古釵嘆

古釵墮井無顏色百尺泥中今復得鳳凰宛轉有
古儀欲為首飾不稱時女伴傳看不知主羅袖拂

拭生光輝蘭膏已盡股半折雕文刻樣無年月雖
離井底入匣中不用還與墜時同

各東西

遊人別一東復一西出門相背兩不返惟信車輪
與馬蹄道路悠悠不知處山高海濶誰辛苦遠遊
不定難寄書日日空尋別時語浮雲上天雨墮地
暫時會合終離異我今與子非一身安得死生不
相棄

節婦吟

君知妾有夫贈妾雙明珠感君纏綿意繫在紅羅
襦妾家高樓連苑起良人執戟明光裏知君用心
如日月事夫誓擬同生死還君明珠雙淚垂何不
相逢未嫁時

讌客詞

上客不用顧金羈主人有酒君莫違請君看取園
中花地上漸多枝上稀山頭樹影不見石溪水無
風暎更碧人人齊醉起舞時誰覺翻衣與倒幘明
朝花盡人已去此地獨來空繞樹

永嘉行

頭鮮卑入洛陽胡兒持戟升明堂晉家天子作
降虜公卿奔走如驅羊紫陌旌旛暗相觸家家雞
犬驚上屋婦人出門隨亂兵夫死眼前不敢哭九
州諸侯自顧無人領兵來護王冰人避胡皆在
南南人至今能晉語

採蓮曲

秋江岸邊蓮子多採蓮女兒凭船歌青房圓實齊
戢戢爭前競折漾微波試牽綠莖不尋藕斷處絲

魏集 卷八
多刺傷手白練束腰袖半卷不挿玉釵粧梳淺船
中未滿度前洲借問阿誰家住遠歸時共待暮潮
上自弄芙蓉還蕩漿

傷歌行

黃門詔下促收捕京兆尹繫御史府出門無復部
曲隨親戚相逢不容語辭成謫尉南海州受命不
得須臾留身着青衫騎惡馬東門之外無送者郵
夫防吏急喧毆往往驚墮馬蹄下長安里中荒大
宅朱門已除二十載高堂舞榭鑠管絃美人遙望

西南天

吳宮怨

吳宮四面秋江水江清露白芙蓉死吳王醉後歌
更衣座上美人嬌不起宮中千門復萬戶君恩反
復誰能數君心與妾既不同徒向君前作歌舞
莫滿宮紅實垂秋風嫋嫋生繁枝姑蘇臺上夕燕
罷宮人侍寢還獨歸白日在天光在地君今那得
長相棄

北邙行

洛陽北門北邙道喪車磷磷入秋草車前齊唱薤
露歌高墳新起日峨峨朝朝暮暮人送葬洛陽城
中人更多千金立碑高百尺終作誰家柱下石山
頭松栢半無主地下白骨多於土寒食家家送紙
錢烏鳶作窠啣上樹人居朝市未解愁請君暫向
北邙遊

關山月

秋月明朗關山上山中行人馬蹄響關山秋來雨
雲多行人見月唱邊歌海邊茫茫天氣白胡兒夜

度黃龍磧軍中探騎暮出城伏兵暗處旆戟沙
磧連天霜草平野駝尋水磧中鳴隴頭風急雁不
下沙場苦戰多流星可憐萬里關山道年年戰骨
多秋草

少年行

少年從獵出長楊禁中新拜羽林郎獨到輦前射
雙虎君王手賜黃金璫日日鬪雞都市裏贏得寶
刀重刻字百里報讐夜出城平明還在娼樓醉遙
聞虜到平陵下不待詔書行上馬斬得明王獻樓

宮封侯起第一日中不同六郡良家子百戰始取
邊城功

白頭吟

請君膝上琴彈我白頭吟噫昔君前嬌笑語兩情
宛轉如縈素宮中為我起高樓更開花池種芳樹
春天百草秋始衰棄我不待白頭時羅襦玉珥色
未暗今朝已道不相宜揚州青銅作明鏡暗中持
照不見影入心回互自無窮眼前好惡那能定君
恩已去若再返菖蒲花開月長滿

將軍行

彈箏峽中有胡塵天子擇日拜將軍蓬萊殿前賜
六纛還領禁兵為部曲當朝受詔不辭家夜向咸
陽原上宿戰車彭彭旌旗動三十六軍齊上隴隴
頭戰勝夜亦行分兵處處收舊城胡兒殺盡陰磧
暮擾擾唯有牛羊聲邊人親戚曾戰沒今逐官軍
收舊骨磧西行見萬里空幕府獨奏將軍功

賈客樂

金陵向西賈客多船中生長樂風波欵發移船近

江口船頭祭神各澆酒停杯共說遠行期入蜀經
蠻難別離金多衆中為上客夜夜筭絳眠獨遲秋
江初月猩猩語孤帆夜發瀟湘渚水工持楫防暗
灘直過山邊及前侶年年逐利西復東姓名不在
縣籍中農夫稅多長辛苦棄業寧為販寶翁

羈旅行

遠客出門行路難停車斂策在門端荒城無人也
滿路野火燒橋不得度寒蟲入窠烏歸巢僮僕問
我誰家去行尋田頭暝未息雙轂長轅礙荆棘緣
岡入澗投田家主人舂米為夜食晨鷄喔喔茅屋
傍行人起掃車上霜舊山已別行已遠身計未成
難復返長安陌上相識稀遙望天門白日晚誰能
聽我辛苦行為向君前歌一疊

車遥遥

征人遥遥出古城雙輪齊動駟馬鳴山川無處不
歸路念君長作萬里行野田人稀秋草綠日暮放
馬車中宿驚麇游兔在我傍獨唱鄉歌對僮僕君
家大宅鳳城隅年年道上隨行車願為玉鑾繫華

軾終日有聲在君側門前舊路久已拋無由復得
君消息

妾薄命

薄命嫁得良家子無事從軍去萬里漢家天子平
四夷護羗都尉裹屍歸念君此行為死別對君裁
縫泉下衣與君一日為夫婦千年萬歲亦相守君
愛龍城征戰功妾願青樓歌樂同人生各各有所
欲詎得將心入君腹

朱鷺

翩翩兮朱鷺來汎春塘栖綠樹羽毛如翦色如染
遠飛欲下雙翅斂避人引子入深壑動處水紋開
灑灑誰知豪家網爾軀不如飲啄江海隅

遠別離

蓮葉團團荇葉折長江鯉魚鱗鱗赤念君少年棄
親戚千里萬里獨為客誰言遠別心不易天星墜
地能為石幾時斷得城南陌勿使居人有行役

楚宮行

章華宮中九月時桂花未落紅橘垂江頭騎火照

輦道君王夜從雲夢歸霓旌鳳蓋到雙闕臺上重
重歌吹發千門萬戶開相當燭籠左右列成行下
輦更衣入洞房洞房侍女盡焚香玉階羅幃微有
霜齊言此入樂未央玉酒湛湛盈華觴絲竹次第
鳴中堂巴姬起舞向君王迴身垂手結明璫願君
千年萬年壽朝出射麋夜飲酒

江南曲

江南人家多橘樹吳姬舟上織白苧土地卑濕饒
蟲蛇連木為牌入江住江村亥日長為市落帆度

橋來浦裏清莎覆城竹為屋無井家家飲潮水長
千午日沽春酒高高酒旗懸江口娼樓兩岸懸水
柵夜唱竹枝留非客江南風土歡樂多悠悠處處
盡經過

烏啼引

秦烏啼啞啞夜啼長安吏人家吏人得罪囚在獄
傾家賣產將自贖少婦起聽夜啼烏知是官家有
赦書下床心喜不重寐未明上堂賀舅姑少婦語
啼烏汝啼慎勿虛借汝庭樹作高窠年年不令傷

爾雅

促促詞

促促復促促家貧夫婦權不足今年為人送租船
去年捕魚向江邊家中姑老子復小自執吳綃輸
稅錢家家桑麻滿地黑念君一身空努力願教牛
蹄團團羊角直君身常在應不得

宛轉行

華屋重翠幄綺席雕象床遠漏微更踈薄衾中夜
涼爐氣暗徘徊寒登背斜光妍姿結宵態寢覺幽

夢長宛轉復宛轉憶君更未央

五言律

薊北旅思

日日望鄉國空誥白苧詞長因送人處憶得別家
時失意還獨語多愁祇自知客亭門外柳折盡向
南枝

江南春

江南楊柳春日暖地無塵渡口過新雨夜來生白
蘋晴沙鳴乳燕芳樹醉遊人向晚青山下誰家祭

水神

西樓望月

城西樓上月復是雲晴時寒夜共來望思鄉獨下
遲幽光落水整淨色遍霜枝明日千里去此中還
別離

別鶴

雙鶴出雲谿分飛各自迷空巢在松頂折羽落江
泥尋水終不飲逢林亦未栖別離應易老萬里兩
淒淒

江陵孝女

孝女獨垂髮少年唯一身無家空托墓主祭不從
人相吊有行客起廬因舊隣江頭聞哭處寂寂楚
花春

山中古祠

春草空祠暮荒林唯鳥飛記年碑石在經亂祭人
稀野鼠緣朱帳陰塵蓋畫衣近來潭水黑時見宿
龍歸

漁陽將

塞深沙草白都護領燕兵放火燒奚帳分旗築漢
城下營看嶺勢尋雲覺人行更向桑乾北擒生問
磧名

聽夜泉

細泉深處落夜久漸聞聲獨起出門聽欲尋當澗
行還疑隔林遠復畏有風生月下長來此無人亦
到明

送南遷客

去去遠遷客瘴中衰病身青山無限路白首不歸

人海國戰騎象蠻州市用銀一家分幾處誰見月

南春

薊北春懷

渺渺水雲外別來音信稀因逢過江使却寄在家
衣問路更愁遠逢人空說歸今朝薊城北又見塞
鴻飛

思遠人

野橋春水清橋上送君行去去人應老年年草自
生出門看遠道無信何邊城楊柳別離處秋蟬今

復鳴

贈同谿客

幽居得相近。煙景每寥寥。共伐臨谿樹。同為過水橋。自教青鶴舞。分採紫芝苗。更愛南峰住。尋君路恐遙。

望行人

秋風窓下起。旅雁向南飛。日日出門望。家家行客歸。無因見邊使。空待寄寒衣。獨倚青樓暮。煙深鳥雀稀。

送宮人入道

舊寵昭陽裏。尋仙此最稀。名初出宮籍。身未稱霞衣。已別歌舞貴。長隨鸞鶴飛。中官看入洞。空駕玉輪歸。

送越客

見說孤帆去。東南到會稽。春雲剡溪口。殘月鏡湖西。水鶴沙邊立。山龜竹裏啼。謝家曾住處。煙洞入應迷。

贈辟穀者

學得餐霞法逢人與小還身輕曾試鶴力弱未離
山無食犬猶在不耕牛自閒朝朝空漱水叩齒草
堂間

思江南舊遊

江臯三月時花發石楠枝歸客應無數春山自不
知獨行愁道遠迴信畏家移楊柳東西度茫茫欲
問誰

夜到漁家

漁家在江口潮水入柴扉行客欲投宿主人猶未

歸竹深村路遠

一作暗

月出釣船稀遙見尋沙岸春

風動草衣

送邊使

揚旌過隴頭隴水向西流塞路依山遠戍城逢雨
秋寒沙陰漫漫疲馬去悠悠為問征行將誰封定
遠侯

不食姑

幾年山裏住已作綠毛身護氣常稀語存思自見
神養龜同不食留藥任生塵要問西王母仙中第

幾人

古苑杏花

廢苑杏花在行人愁到時獨開新整底半露舊燒
枝晚色連荒轍低陰覆折碑茫茫古陵下春盡又
誰知

送流人

獨向長城北黃雲暗塞天流名屬邊將舊業作公
田擁雪添軍壘收冰當井泉知君住應老須記別
鄉年

宿臨江驛

楚驛南渡口夜深來客稀月明見潮上江靜覺鷗
飛旅宿今已遠此行猶未歸離家久無信又聽搗
寒衣

送蠻客

借問炎州客天南幾日行江連惡谿路山遠夜即
城柳葉瘴雲濕桂叢蠻鳥聲知君却迴日記得海
花名

襄國別友

曉色荒城下。相看秋草時。獨遊無定計。不飲道來期。別處去家遠。愁中驅馬遲。歸人渡煙水。遙映野棠枝。

送遠客

南原相送遠。秋水草還生。同作憶鄉客。如今分路行。因誰寄歸信。漸遠問前程。明日重陽節。無人上

古城

一作秋草水邊生

上國贈日南僧

獨向雙峰老。松門閉兩涯。翻經依貝葉。掛衲落藤

花。甃石新開井。穿林自種茶。時逢海南客。蠻語問誰家。

征西將

黃沙北風起。半夜又翻營。戰馬雲中宿。探人冰上行。深山旗未展。陰磧鼓無聲。幾道征西將。同收碎葉城。

寄友人

憶在江南日。同遊三月時。採茶尋遠澗。鬪鴨向春池。送客沙頭宿。招僧竹裏碁。如今各千里。無計得

引集
相隨

送防秋將

白首征西將猶能射戟支元戎選部曲軍吏換旌
旗逐虜招降遠開邊舊壘移重收隴外地應似漢
家時

律僧

苦行長不出清羸最少年持齋唯一食講律豈曾
眠避草每移徑瀝蟲還入泉從來天竺法到此幾
人傳

山中秋一作春夜一作春

寂寂山一作春景靜幽人歸去一作暉橫琴當月下
壓酒及花時冷一作新露濕茆屋暗泉衝竹籬西峰
採藥一作此夕恨無期

送南客

行路雨偷偷青山盡海頭天涯人去遠嶺北水空
流夜市連銅柱巢居屬象州來時舊相識誰向日
南遊

宿江店

野店臨西浦門前有橘花停燈待賈客賣酒與漁
家夜靜江水白路迴山月斜閒尋泊船處潮落見
平沙

嶺外逢故人

過嶺萬餘里旅遊經此稀相逢去家遠共說幾時
歸海上見花發瘴中唯鳥飛炎州望鄉伴自識非
人衣

出塞

秋塞雲初下將軍遠出師分營長記火放馬不收

旗月冷邊帷濕沙昏夜探遲征人皆白首誰見滅
胡時

寄紫閣隱者

紫閣氣沉沉先生住處深有人時得見無路可相
尋夜鹿伴茅屋秋猿守栗林唯應採靈藥更不別
營心

夜宿黑竈谿

夜到碧谿裏無人秋月明逢幽更移宿取伴亦探
行花下紅泉色雲西乳鶴聲明朝記歸處石上自

書名

古樹

古樹枝柯少枯來復幾春露根堪繫馬空腹恐藏
人蠹節莓苔老燒痕霹靂新若當江浦上行客祭
為神

送徐先生歸蜀

日暮遠歸處雲間仙觀鐘唯持青玉牒獨立碧雞
拳陰澗洞一作長收乳寒潭舊養龍幾時因賣藥得
回海邊逢

隱者

先生已得道市井亦容身救病自行藥得錢多與
人間年長不定傳法又非真常見鄰家翁一作說時
聞一作使鬼神

送友人歸山

出山成北首重去結茅廬移石修廢井掃龕盛舊
書開田留杏樹分洞與僧居長在幽峰裏樵人見
亦踈

雲谿西亭晚望

警水碧悠悠西亭柳岸頭夕陰生遠岫斜照逐迴
流此地動歸思逢人方倦遊吳興耆舊盡空見白
蘋洲

哭山中友人

八雲遙便哭山友隔今生遶墓招魂魄鐫巖記姓
名大因無主善鶴為見人鳴長說能尸解多應別
路行

答僧拄杖

藤為拄杖曰淨色如銀得自高僧手將扶病客

身春遊不騎馬夜會亦呈人持此歸山去深宜戴
角巾

靈都觀李道士

山觀雨來靜遶房瓊草春素書天上字花洞古時
人泥竈煮靈液掃壇朝玉真幾迴遊閬苑青節亦
隨身

送韋評事歸華陰

三峯西面住出見世人稀老大誰相識恹惶又獨
歸掃窓秋菌落開篋夜蛾飛若向訪一作雲中伴還

應着褐衣

送閩僧

幾夏京城住。今朝獨遠歸。修行四方律。護淨七條衣。谿寺黃橙熟。沙田紫芋肥。九龍潭上路。同去客應稀。

送海客歸舊島

海上去應遠。蠻家雲島孤。竹船來桂府。山市賣魚鬚。八國自獻寶。逢人多贈珠。却歸春洞口。一作斬象祭天吳。

登咸陽北寺樓

高秋原上寺。下馬一登臨。渭水西來直。秦山南去深。舊宮人不住。荒碣路難尋。日暮涼風起。蕭條多遠心。

送新羅使

萬里為朝使。離家今幾年。應知舊行路。却上遠歸船。夜泊避蛟窟。朝吹求島泉。悠悠到鄉國。還望海西天。

宿廣德寺寄從舅

古寺客堂空開簾四面風移床動栖鴿停燭聚飛
蟲閒卧逐涼處遠愁生靜中林西微月色思與甯
家同

宿邯鄲館寄馬磁州

孤客到空館夜寒愁卧遲雖沽主人酒不似在家
時幾宿得歡笑如今成別離明朝行更遠迴望隔
山陂

舟行寄李湖州

客愁無次第川路重辛勤藻密行舟澁灣多轉撒

頗薄遊空感惠失計自憐貧賴誦汀洲句時時慰
遠人

送閑師歸江南

徧住江南寺隨緣到上京多生修律業外學得詩
名講殿徧追入齋家別請行青楓鄉路遠幾日盡
歸程

遊襄陽山寺

秋色江邊路煙霞若有期寺貧無利施僧老足慈
悲薜荔侵禪室蝦蟆占浴池閒遊殊未徧即是下

張集
山時

登城寄王建

聞君鶴嶺住西望日依依
遠客偏相憶登城獨不
歸十年為道侶幾處共柴扉
今日煙霞外人間得
見稀

送從弟戴玄往蘇州

楊柳閭門路悠悠水岸斜
乘舟向山寺着屐到漁
家夜月紅柑樹秋風白藕花
江天詩景好迴日莫
令餘

送朱慶餘及第歸越

東南歸路遠幾日到鄉中
有寺山皆遍無家水不
通湖聲蓮葉雨野氣稻花風
州縣知名久爭邀與
客同

過賈島野店

青門坊外住行坐見南山
此地去人遠知君終日
閒蛙聲籬落下草色戶
庭間好是經過處唯愁暮
獨還

酬韓庶子

張集

卷八

廿七

西街幽僻處正與懶相宜尋寺獨行遠借書常送
遲家貧無易事身病是閒時寂寞誰相問祇應君
自知

贈姚合少府

病來辭赤縣案上有丹經為客燒茶竈教兒掃竹
亭詩成添舊卷酒盡卧空甔闕下今遺逸誰瞻
士星

送僧遊五臺兼謁李司空

遠去見雙節因行上五臺化樓侵曉出雪路向春

開杖錫連峰去胡兒聽法來定知巡禮後解夏始
應迴

送鄭才歸寧

桂檝綵為衣行當令節歸夜潮迷浦遠晝雨見人
稀野柿到時熟江鷗泊處飛離琴一奏罷山雨霽
餘暉

送李評事遊越

未習風塵事初為吳越遊露沾湖草濕一作日照
海山秋梅市門何在蘭亭水尚流西陵待潮處知

汝不勝愁

閒居

東城南陌塵紫幘與朱輪盡說無多事能間有幾
人唯教推甲子不信守庚申誰見衡門裏終朝自
在貧

寄昭應王中丞

借得西街宅開門渭水頭長貧唯要健漸老不禁
愁獨凭藤書案空懸竹酒鉤春風石甕寺作意共
君遊

酬孫洛陽

家貧相遠住齋館入時稀獨坐看書卷閒行着褐
衣早蟬庭笋老新雨徑莎肥各離爭名地無人見
是非

送人任濟陰

黃綬在腰下知君非旅行將書報舊里留褐與諸
生贈別盡沽酒惜歡多出城春風濟水上候吏聽
車聲

祝春過崔駙馬東園

閒園多好風不意在街東
早早詩名遠長長酒性
同竹香新雨後鶯語落花中
莫遣經過少年光漸
覺空

夏日閒居

多病逢迎少閒居又一年
藥看辰日合茶過卯時
煎草長晴來地蟲飛晚後天
此時幽步遠不覺到
山邊

晚秋閒居

獨坐高秋晚蕭條是遠思
家貧長畏客身老轉憐
兒萬種盡閒事一生能幾時
從來踈懶性應祇有
僧知

和陸裴司業習靜寄所知

幽室獨焚香清晨下未央
山開登竹閣僧到出茶
堂收拾新琴譜尋封舊藥方
逍遙無別事不似在
班行

酬韓祭酒雨中見寄

雨中愁不出陰黑晝連宵
屋濕唯添漏泥深未放
朝無葛憐馬瘦少食信兒嬌
聞道韓夫子還同此

寂寥

和裴僕射移官言志

身在勤勞地常思放曠時功成歸聖主位重委群
司看壘臺邊不閒吟篋裏詩蒼生正瞻望難與故

山期

酬白二十二舍人早春曲江見招

曲江冰欲盡風日已恬和柳色看猶淺泉聲覺漸
多紫蒲生濕岸青鴨戲新波仙掖高情客相招共
一過

酬裴僕射朝回寄韓吏部

獨愛南閨裏山晴竹杪風從容朝早退蕭洒客常
通案曲新亭上移花遠寺中唯應有吏部詩酒每
相同

春日李舍人宅見兩省諸公唱和因書情即事

又見帝城裏東風天氣和官閒人事少年長道情
多紫掖發章句青闈更詠詩誰知余寂寞終日斷
經過

和季僕射秋日病中作

由來病根淺易見藥功成曉日杵臼靜涼風衣服
輕猶疑少氣力漸覺有心情獨倚紅藤杖時時堦
上行

早春病中

羸病及年初心情不自如多申請假牒祇送賀官
書幽徑獨行步白頭長懶梳更憐晴日色漸漸暖
貧居

送嚴大夫之桂州

旌旆過湘潭幽竒得徧探蒞城百越北行路九疑
南有地多生桂無時不養蠶聽歌難辨曲風俗自
相諳

詠懷

老去多悲事非唯見二毛眼昏書字大耳重語聲
高望月偏增思尋山覺發勞都無作官意賴得在
閒曹

使至藍谿驛寄太常王丞

獨上七盤去峰巒轉轉稠雲中迷象鼻雨裏下箏

齊集
卷八
頭水沒荒橋路鴉啼古驛樓君今在城闕肯見此
中愁

留別江陵王少府

迢迢山上路病客獨行遲况此分襟日當君失意
時寒林露遠驛晚燒獵荒陂別後空回首相逢未
有期

贈海東僧

別家行萬里自說過扶餘學得中州語能為外國
書與醫收海藻持呪取龍魚更問同來伴天台幾

處居

寄漢陽故人

知君漢陽住煙樹遠重重歸使雨中發寄書燈下
封同時買江塢今日別雲松欲問新移處青蘿最
冰峰

送安西將

萬里海西路茫茫邊草秋計程沙塞口望伴驛峰
頭雪暗非時宿沙深獨去愁塞鄉人易老莫住近
番州

題李山人幽居

襄陽南郭外茅屋一書生無事焚香坐有時尋竹
行晝苔藤杖細踏石筍鞋輕應笑風塵客區區逐
世名

早春閒遊

年長身多病獨宜作冷官從來閒坐慣漸覺出門
難樹影新猶薄池光晚尚寒遙聞有花發騎馬暫
行看

贈太常王建藤杖筍鞋

蠻藤剪為杖楚筍結成鞋稱與詩人用堪隨禮寺
齋尋花入幽徑步日下寒階以此持相贈君應慙
素懷

和周贇善聞子規

秦城啼楚鳥遠思更紛紛况是街西夜偏當雨裏
聞應投最高樹似隔數重雲此處誰能聽遙知獨
有君

送李騎曹靈州歸覲

翩翩出上京幾日到邊城漸覺風沙起還將弓箭

行席箕侵路暗。野馬見人驚。軍府知歸慶。應教數
騎迎。

寒食夜寄姚侍御

貧官多寂寞。不異野人居。作酒和山藥。教兒寫道
書。五湖歸去遠。百事病來疎。况憶同懷者。寒庭月
上初。

題清澗上人院

古寺臨壇久。松間別起堂。看添浴佛水。自合讀經
香。爰養無家客。多傳得効方。遇齋長不出。坐卧一

繩床

和裴司空即事通簡舊僚

肅肅上台坐。四方皆仰風。當朝奉明政。早日立元
功。獨對赤墀下。密宣黃閣中。猶聞動高韻。思與舊
僚同。

使回留別襄陽李司空

江亭寒日晚。絃筦有離聲。從此一筵別。獨為千里
行。遲遲戀恩德。役役恨公程。迴首吟新句。霜雲滿
楚城。

和戶部令狐尚書喜裴司空見招看雪

南園新覆雪上宰曉來看誰共登春榭唯聞有地
官色連山遠靜氣與竹偏寒高韻更相應寧同謔
吹歡

和裴司空以詩請刑部白侍郎雙鶴

皎皎仙山鶴遠留閒宅中徘徊幽榭月嘹唳小亭
風丞相西園好池塘夜水通從君求置此賞望與
賓同

同綿州胡郎中清明日對雨西亭宴

郡內開新火高齋雨氣清惜花邀客賞勸酒促
聲共醉移芳席留歡閉幕城政閒方宴語琴筑任
遙情

莊陵挽歌詞 三首

白日已昭昭干戈亦漸消迎師新出道從諫早臨
朝佞倖威權薄忠良寵錫饒丘陵今一變無復白
雲謠

觀風欵巡洛習戰且開池始改三年政旋開七月
期陵分內外使官具吉凶儀渭水新園路簫笳遠

更悲

曉日龍車動秋風闔闔開行帷六宮出執紼萬方
來慄慄郊原暮遲遲挽唱哀空山煙雨夕新栢遠
陵臺

和左司元郎移居

十首

選得閒坊住秋來樹木肥風前卷菌簾雨裏脫荷
衣野客留方去山童取藥歸非因入朝省過此出
門稀

有地唯栽竹無池亦養鵝學書求墨跡釀酒愛朝
和古鏡銘文淺神方謎語多居貧閒自樂豪客莫
相過

閒來松菊地未省有埃塵直去多將藥朝回不訪
人見僧收酒器迎客換紗巾更恐登清要難成自
在身

自知清靜好不要問時豪就石安琴枕穿松厭酒
槽山情因月甚詩語入秋高身外無餘事唯應筆
硯勞

閒堂新掃洒稱是早秋天書客多呈帖琴僧與合

絃沙臺乘晚上竹院就涼眠終日無忙事還應似
得仙

醉倚班藤杖閒眠瘦木牀案頭行氣訣爐裏降真
香尚儉經營少居閒意思長秋茶莫夜飲新自作
松漿

每憶舊山居新教上墨圖晚花迴地種好酒問人
沽夜後開朝簿中前發省符為郎凡幾歲已見白
髭鬚

菊地纔通屐茶房不壘階憑醫者蜀藥寄信覓吳
鞋畫得仙家法多隨道客齋本無榮辱意不是學
安排

林下無拘束閒吟放性靈好時閒藥竈高處置琴
亭更撰居山記唯尋相鶴經初當授衣假無吏挽
門鈴

客散高齋晚東園景象偏晴明猶有蝶涼冷漸無
蟬藤折霜來子蝸行雨後涎新詩纔上卷已得滿
城傳

經王處士原居

舊宅誰相近唯僧近竹閨庭閒雲滿井窓曉雲通
山來客半留宿借書多寄還明時未中歲莫便一
生閒

不食仙姑山房

寂寂花枝裏草堂唯素琴因山冒改眼見客不言
心月出溪路靜鶴鳴雲樹深丹砂如可學便欲住
幽林

江頭

晚步隨江遠來帆過眼頻試尋新住客少見故鄉

人回首憐歸翼長吟任此身應同南浦鴈更見嶺
頭春

寄孫冲主簿公

低折滄洲簿無書整兩春馬同從事借妻怕罷官
貧道僻收閒藥詩高笑古人仍聞長吏奏表乞鎖
廳頻

贈任懶

未肯求科第深坊且隱居勝遊尋野客高卧看兵
書點藥醫閒馬分泉灌遠蔬漢庭無得意誰擬薦

相如

舊宮人

謔舞梁州女歸時白髮生全家沒蕃地無處問鄉
程宮錦不傳樣御香空記名一身難自說愁逐路
人行

春日留別

遊人欲別離醉復對花枝看却春日晚莫輕少年
時臨行記分處回首是相思各向天涯去重來未
有期

沒蕃故人

前年伐月支城上沒全師蕃漢斷消息死生長別
離無人收廢帳歸馬識殘旗欲祭疑君在天涯哭
此時

五言排律

和李僕射雨中寄盧巖二給事

郊原飛雨至城闕濕雲埋
遊點時穿牖浮漚欵上
堦偏滋解籜竹併灑落花槐
晚潤生琴匣新涼滿
藥齋從容朝務退放曠掖曹
筆盡日無來客閒吟

感所懷

酬李僕射晚春見寄

戟戶動初晨鶯聲雨後頻
虛庭清氣在泉藥濕光
新魚動芳池面苔侵老竹身
教鋪嘗酒處自問探
花人獨此長多病幽居款過春
今朝聽高韻忽覺
離埃塵

憶盧常侍寄華山鄭隱者

獨住三峯下年深學煉丹
一間松葉屋數片石花
冠酒待山中飲琴將洞裏彈
開門移遠竹剪草出
幽蘭荒壁通泉架晴崖曬藥壇
寄知騎脊客長向
白雲看

和令狐尚書平泉東莊近居李僕射有寄

平地有清泉伊南古寺邊
漲池閒遠屋出野徧澆
田舊隱離多日新鄰得幾年
探幽皆一絕選勝又
雙全門靜山光別園深竹影連
斜分採藥徑直過
釣魚船鷄犬還應識雲霞頓覺
鮮追思應不遠賞
愛諒難偏此處堪長往遊人早
共傳各當恩寄重
歸卧恐無緣

送鄭尚書出鎮南海

遠鎮承新命。王程不假催。班行爭路送。恩賜併時來。牙旆從城展。兵符到府開。蠻聲喧夜市。海色浸潮臺。盡角天邊月。寒關嶺上梅。共知公望重。多是隔年迴。

徐州試反舌無聲

夏木多好鳥。偏知反舌名。林幽還共宿。時過即無聲。竹外天空曉。谿頭雨自晴。居人宜寐寔。深院益凄清。入霧暗相失。當風閒易驚。來年上林苑。知爾最先鳴。

省試行不由徑

田裏有微徑。賢人不復行。孰知求捷步。又恐異端生。從易衆所欲。安邪患亦生。誰能達大道。共此竟前程。子羽有遺跡。孔門傳舊聲。今逢大君子。士節自光明。

新城甲仗樓

謝守起新樓。西臨城角頭。圖功百仗麗。藏器五兵修。結構榱甍固。虛明戶檻幽。魚龍卷旗幟。霜雪積

戈矛暑雨熇蒸隔涼風宴位留地高形出沒山靜
氣清優睥睨斜光徹欄干宿靄浮芊芊稻色脉
脉苑谿流郡化王丞相詩成沈隱侯居茲良得意
殊勝峴山遊

贈殷山人

鬱鬱山中客知名四十年恹惶身獨隱寂寞性應
便世業公侯籍生涯黍稷田藤懸讀書帳竹繫網
魚船已種千頭橘新開數脉泉閒遊攜酒遠幽語
向僧偏入洞題松過看花選石眠避喧畏汨沒逢

勝即留連自古多高跡如君少比肩耕耘既辛苦
章句已流傳昔日交遊盛當時省閣賢同袍還共
弊連轡每推先講序居重席群儒頌執鞭滿堂虛
左待衆日望喬遷才異時難用情高道自全畏人
顏慘澹踈物勢迤邐達者聞知命吾生復禮玄深
藏報恩劍夕緝養生篇惟悴衆夫笑經過郡守憐
夕陽悲病鶴霜氣動飢鷗處士誰能薦窮途世所
捐伯鸞甘寄食元淑苦無錢策蹇秋塵裏吟詩黃
葉前故裘餘白領塵瑟斷朱絃志氣終猶在道遙

任自然家貧念婚嫁身老戀雲煙放逸栖巖鹿清
虛飲露蟬鄭逃秦谷口嚴愛越溪邊霄漢予猶阻
榮枯子不牽山城一相遇感激意難宣

夏日可畏

赫赫温風扇炎炎夏日徂火威馳迥野畏景鑠遙
途勢矯翔陽翰功分造化鑪禁城千品獨黃道一
輪孤落照頻空簟餘暉卷夕梧如何倦遊子中路
獨踟躕

罔象得玄珠

赤水今何處遺珠已渺然離姿徒肆目罔象乃通
玄皎潔因成性圓明不在泉暗中看夜色塵外照
晴天無脛真難掬懷疑室易遷今朝搜擇得應免
媚清川

和李僕射西園

遇午歸閒處西庭敞四簷高眠著瑟枕散帙檢書
簽印在休通客山晴好捲簾竹涼蠅到少藤暗蝶
爭潛曉一作晚鵲頻驚喜踈蟬不許拈石苔生紫點
欄藥吐紅尖虛坐詩情遠幽探道侶兼所營尚勝

張集
卷八
地雖儉復誰嫌

七言律

送裴相公赴鎮太原

盛德雄名遠近知，功高先乞守藩維。
銜恩暫遣分龍節，署勅還同在鳳池。
天子親臨樓上送，朝官齊出道邊辭。
明年塞北清蕃落，應建生祠請立碑。

寄元員外

外郎直罷無餘事，掃洒書堂試藥爐。
門巷不教當要鬧，詩篇轉覺足功夫。
月明臺上唯僧到，夜靜坊中有酒沽。
朝省入頻閒日少，可能同伴戀遊無。

贈梅處士

早聞聲價滿京城，頭白江湖放曠情。
講易自傳新註義，題詩不着舊官名。
近移馬跡山前住，多向牛頭寺裏行。
天子如今議封禪，應將束帛請先生。

贈王秘書

不曾浪出謁公侯，唯向花間水畔遊。
每看新衣看藥竈，多收古器在書樓。
有官祇作山人老，平地能開洞穴幽。
自領閒司了無事，得來君處喜相留。

謝裴司空寄馬

駮耳新駒駿得名司空遠自寄書生乍離華廐移
蹄澁初到貧家舉眼驚每被閒人來借問多尋古
寺獨騎行長思歲旦沙堤上得從鳴珂傍火城

酬秘書王丞見寄

相看頭白來城闕却憶漳谿舊往還今體詩中偏
出格常叅官裏每同班街西借宅多臨水馬上逢
人亦說山芸閣水曹雖最冷與君長喜得身閒

送李餘及第後歸蜀

十年人好誦詩章今日成名出舉場歸去唯將新
話牒後來爭取舊衣裳山橋曉上蕉花暗水店暝
看茅草黃鄉里親情相見日一時攜酒賀高堂

早朝寄白舍人嚴郎中

鼓鼗初動未聞雞羸馬街中踏凍泥燭暗有時衝
石柱雪深無處認沙堤常叅班裏人猶少待漏房
前月欲西鳳閣星郎離去遠閣門開處入還齊

書懷寄元郎中

轉覺人間無氣味常因身外省因緣經過獨愛遊

山客計較唯求買藥錢重作學官閒盡日一離江
塢病多年吟君釣客詞中語便欲南歸榜小船

贈僧道

一作贈道士宜師

自到王城得幾年巴童蜀馬共隨緣兩朝侍從當
時貴五字聲名遠處傳因住紅樓通內院新承墨
詔賜齋錢閒房暫喜居相近還得陪師坐竹邊

書懷寄王秘書

白髮如今歎滿頭從來百事盡應休
防病不擬將心更養愁下藥遠求新熟酒看山多

上最高樓賴君同在京城住每到花前免獨遊

題韋郎中新亭

起得幽亭景最新碧沙地上更無塵
琴書看盡猶嫌少松竹栽多亦稱貧
藥酒欲開期好客朝衣暫脫見閒身
成名同日官連署此處經過有幾人

送揚州判官

應得煙霞出俗心
茆山道士共追尋
閒憐鶴貌偏能畫
暗辨桐聲自作琴
長嘯每來松下坐
新詩堪向雪中吟
征南幕裏多賓客
君獨相知最校深

喜王起侍郎放牒

東風節氣近清明車馬爭來滿禁城二十八人初
上牒百千萬里盡傳名誰家不借花園看
在處多將酒器行共賀春司能鑒識今年定合有公卿

贈王司馬

象笏朱衫年少時久登班列會朝儀貯財不省闕
身用行義唯愁被衆知藏得寶刀求主帶調成駿
馬乞人騎未曾相識多聞說遙望長如玉樹枝

書懷

自小習成踈懶性人間事事總無功別從仙客求
方法時到僧家問苦空老大登朝如夢裏貧窮作
活似村中未能即便休官去慚愧南山採藥翁

贈令狐博士

頭白新年六十餘近聞生計轉空虛久為博士誰
人識自到長安賃舍居騎馬出隨遊寺客呼兒散
馬乞錢書古來賢哲皆如此應是才高與衆踈

送從弟刪東歸

雲水東南兩月程貪歸慶節馬蹄輕春橋欲醉攀

花別野路間吟觸雨行詩價已高猶失意禮司曾
賞會成名舊山風月知應好莫過秋時不到京

贈王秘書

早在山東穀價遠曾將奇策佐嫖姚賦來詩句無
閒語老去官班未任朝身屈祇聞詞客說家貧多
見野僧招獨從書閣歸時晚春水渠邊看柳條

哭丘長史

年狀皆齊初有髭鵲山漳水每追隨使君座下朝
聽易處士庭中夜會詩新作句成相借問閒來義

盡共尋思經今三十餘年事却說還同昨日時

移居靜安坊答元八郎中

長安寺裡多時住雖守卑官不厭貧作活每常嫌
費力移居祇是貴容身初開井淺偏宜樹漸覺街
閒省踏塵更喜往還相去近門前減却送書人

送楊少尹赴鳳翔

詩名往日動長安首首人家卷裏看西學已行秦
博士南宮新拜漢郎官得錢祇了還書舖借宅常
時事藥欄今去岐州生計薄移居偏近隴頭寒

送韓侍御歸山

聞君久卧在雲間為佐嫖姚未得還
新結茅廬招隱送獨騎馳馬入深山
九靈洞口行應到五粒松枝醉亦攀
明日珂轂出城去家僮不復掃柴關

新除水曹郎答白舍人見賀

年過五十到南宮章句無名荷至公
黃紙開呈相府後朱衣引入謝班中
諸曹縱許為仙侶群吏多嫌是老翁
最幸紫微郎見愛獨稱官與古人同

送楊少尹赴蒲城

官為本府當身榮因得還鄉任野情
自廢田園今作主每逢耆老不呼名
舊遊寺裏僧應識新別橋邊樹已成
公事况閒詩更好將隨相逐上山行

哭元九少府

平生志業獨相知早結雲山老去期
初作學官常共宿晚登朝列暫同時
閒來各數經過地醉後齊吟唱和詩
今日春風花滿宅入門行哭見靈帷

送侯判官赴廣州從軍

年少才高求自展將身萬里赴軍門
辟書遠到開

呈客公服新成着謝恩驛舫過江分白候戍亭當
嶺見紅旛海花蠻草連冬有行處無家不滿園

答白杭州郡樓登望盡圖見寄

盡得江城登望處寄來今日到長安
爾驚物色從詩出更想工人下手難
將展書堂偏覺好每來朝客盡求看見君
向此閒吟意肯恨當時作外官

贈趙將事

當年膽畧已縱橫每見妖星氣不平
身貴早登龍尾道功高自破鹿頭城
尋常得對論邊事委曲承

恩掌內兵會取安西將報國凌烟閣上大書名

送和蕃公主

塞上如今無戰塵漢家公主出和親
邑司猶屬宗卿寺用號還同虜帳人
九姓旗幡先引路一生衣服盡隨身
擅城南望無迴日空見沙蓬水柳春

寒食內宴 二首

朝光瑞氣滿宮樓綵纛魚龍四面稠
廊下御厨分冷食殿前香騎逐飛毬
千官盡醉猶教坐百戲皆呈未放休
共喜拜恩侵夜出金吾不敢問行由

城闕沈沈向曉寒恩當令節賜餘歡瑞煙深處開
三殿香雨微時引百官寶樹樓前分繡幙綠花廊
下映華欄宮筵戲樂年年別已得三迴對御看

朝日勅賜櫻桃

仙果人間都未有今朝忽見下天門捧盤小吏初
宣勅當殿群臣共拜恩日色遙分廊下座露香才
出禁中園每年重此長先熟願得千春奉至尊

太白老人

日觀東峰幽客住竹巾藤帶亦逢迎暗脩黃籙無
人見深種胡麻共犬行洞裏仙家常獨往壺中靈
藥自為名春泉四面遶茅屋日日唯聞杵臼聲

和裴司空酬蒲城楊少尹

聖朝偏重大司空人詠元和第一功擁節高臨襄
水上題詩遠入漢城中共驚向老多年別更憶登
科舊日同誰不望歸丞相府江邊楊柳又秋風

寄和州劉使君

別離已久猶為郡閒向春風倒酒餅送客將過沙
口堰看花多上水心亭曉來江氣連城白雨後山

光滿郭青到此詩情應更遠醉中高詠有誰聽

贈商州王使君

銜命南來會郡堂却思朝裏接班行才雄猶是山城守道薄初為水部郎選勝相留開客館尋幽更引到僧房明朝從此辭君去獨出商關路漸長

寄令狐賓客

勲名盡得國家傳退狎琴僧與酒仙還帶郡符經幾處暫辭台座已三年留司未到龍樓下拜表長懷玉案前秋日出城伊水好領誰相逐上閒船

寄梅處士

擾擾人間是與非官閒自覺省心機六行班裏身常下九列符中事亦稀市客慣曾賒賤藥家童鷺見着新衣君今獨得居山樂應笑多時未辦歸

送施肩吾東歸

知君本是烟霞客被薦因來城闕間世業偏臨七里瀨仙遊多在四明山早聞詩句傳人徧新得科名到處閒惆悵灞亭相送去雲中琪樹不同攀

崑崙兒

崑崙家住海中州，蠻客將來漢地遊。
言語解教秦吉了，波濤初過鬱林洲。
金環欲落曾穿耳，螺髻長拳不裹頭。
自愛飢膚黑如漆，行時半脫木綿裘。

贈李杭州

仙郎白首未歸朝，應為蒼生領六條。
惠化州人盡清淨，高情野鶴共逍遙。
竹間虛館無朝訟，山畔青田長夏苗。
終日政餘長獨坐，開門唯望浙江潮。

送鄭尚書赴廣州

聖朝選將持符節，內制宣時百辟聽。
海北蠻夷來

舞蹈，嶺南封管送圖經。
白鷗飛遠迎官舫，紅槿開當讌客亭。
此處莫言多瘴癘，天邊看取老人星。

賀秘書王丞南郊攝將軍

正初天子親郊禮，詔攝將軍領衛兵。
斜帶銀刀入黃道，先隨玉輅到青城。
壇邊不在千官位，仗外唯聞再拜聲。
共喜與君逢此日，病中無計得隨行。

送令狐尚書赴東都留守

朝廷重寄在關東，共說從來選上公。
勲業新成大梁鎮，恩榮更守洛陽宮。
行香暫出天橋上，巡禮常

過禁殿中每領群臣拜章慶半開門仗日曛曛

拜豐陵 順宗

歲朝園寢遣公卿學省班中亦攝行身逐陵官齊
再拜手持木鐸叩三殿寒更報點來山殿曉炬分
行照栢城却下龍門看漸遠金峯高處日微明

贈孔尚書

能將直道歷榮班事著元和實錄間三表自陳辭
非闕一家相送入南山買來侍女教人嫁賜得朝
衣在篋閒宅近青山高靜處時歸林下暫開闕

酬杭州白使君兼寄浙東元大夫

相印暫離臨遠鎮掖垣出守復同時一行已作三
年別兩處空傳七字詩越地江山應共見秦天風
月不相知人間聚散真難料莫歎平生信所之

寄蘇州白二十三使君

三朝出入紫微臣頭白金章未在身登第早年同
座主題詩今日異州人閣門柳色煙中遠茂苑鶯
聲雨後新此處吟詩向山寺知君忘却曲江春

送白賓客分司東都

赫赫數名三十春高情人獨出埃塵病辭首闥歸
閒處恩許官曹作上賓詩裏難同相得伴酒邊多
見自由身老人也擬休官去便是君家池上人

贈閻少保

辭榮戀闕未還鄉修養年多氣力強半俸歸燒伏
火藥全家解說養生方特承恩詔新開戟每見公
卿不下牀竹樹清深寒院靜長懸石磬在虛廊

贈別王侍御赴任陝州司馬

京城在處聞人少唯共君行並馬蹄更和詩篇名

最出時傾盃酒興常齊同趨闕下聽鐘漏獨伺軍
前聞鼓輦今日春明門外別更無因得到街西

田司空入朝

西來將相位兼雄不與諸君覲禮同早變山東知
順命新收濟上立殊功朝官叙謁趨門外恩使宣
迎滿路中閭闔曉來銅漏靜身當受冊大明宮

送浙西周判官

由來自是煙霞客早已聞名詩酒間天闕因將賀
表到家鄉新著賜衣還常吟卷裏相辭向自話湖

邊舊住山吳越主人偏愛重多應不肯放君閒

送吳鍊師歸玉屋

王陽峰下學長生洞府仙鄉已有名獨戴熊鬚冠
暫出唯將鶴尾扇同行煉成雲母休炊爨召得雷
公當吏兵却到瑤壇上頭宿應聞空裏步虛聲

送邵州林使君

詞客南行寵命新瀟湘郡入曲江津山幽自足探
微處俗朴應無爭競人郭外相連排殿閣市中多
半用金銀知君不作家私計遷日還同到日貧

寄王六侍御

漸覺近來筋力少難堪今日在風塵誰能借問功
名事祇自扶持老病身積得藥資將助道肯嫌家
計不如人洞庭已置新居宅歸去期君與作鄰

送稽亭山寺僧

師住稽亭高處寺斜廊曲閣倚雲開山門十里松
間入泉澗三重洞裏來名岳尋遊今已徧家城禮
謁便應迴舊房到日間吟後林下還登說法臺

送汀州元使君

曾成趙非歸朝計因拜王門最好官為郡暫辭雙
鳳闕全家遠過九龍灘山鄉祇有輸蕉戶水鎮應
多養鴨欄地僻尋常來客少刺桐花發共誰看

寄孫洛陽格

久持刑憲聲名遠好是中朝正直臣赤縣上來應
足事青衫老去未離身常思從省連歸馬乍覺同
班少驚人遙愛南橋秋日晚雨邊楊柳映天津

胡山人歸王屋因有贈

轉轉無成到白頭人間舉眼盡堪愁此生已是嗟

蹤去每事終從鹵莽休雖作閒官少拘束難逢勝
景可淹留君歸與訪移家處若箇峯前最較幽

寄處州韓使君

南康太守負才豪五十如今未擁旄早得一人知
姓字常聞三事說功勞月明渡口漳江靜雲散城
頭贛石高郡政已成秋思遠閒吟應不問官曹

送從弟濛赴饒州

京城南去鄱陽遠風月悠悠別思勞三領郡符新
寄重再登科第舊名高去程江上多看堠迎吏船

中亦帶刀到日更行清靜化春天應不見蓬蒿

羅道士

城裏無人得實年衣襟常帶臭黃烟樓中賒酒唯
留藥洞裏爭棋不睹錢聞客語殷知貴賤持花歌
詠似狂顛尋常行處頗逢見世上多疑是謫仙

寄陸渾趙明府

與君學省同官處常日相隨說道情新作陸渾山
縣長早知三禮甲科名郭中時有仙人住城內應
多藥草生公事稀陳來客少無妨著屐獨閒行

同蔣韋二少監贈李郎中

舊年同是此曹郎各罷魚符自楚鄉重看青衫承
詔命齊趨紫殿異班行別來同說經過事老去相
傳補養方憶得當時亦連步如今獨在讀書堂

贈王侍御

心同野鶴與塵遠詩似冰壺見底清府縣同趨昨
日事升沉不改故人情上陽春晚蕭蕭雨洛水寒
來夜夜敲自歎獨為折腰吏可憐駘馬路傍行

送金少卿副使歸新羅

張集 卷八
雲島茫茫天半微，向東萬里一帆飛。久為侍子承恩重，今佐使臣銜命歸。過海便應將國信，到鄉猶自着朝衣。從前此去人無數，光彩如君定是希。

送李司空赴鎮襄陽

中外無權社稷臣，千官齊出拜行塵。再調公弼勲庸盛，三受兵符寵命新。商路雪明旗旆遠，楚堤梅發驛亭春。襄陽風景由來好，重與江山作主人。

送李僕射赴鎮鳳翔

由來勲業屬英雄，兄弟連榮列位同。先入賊城擒首惡，盡封官庫讓元公。旌幢獨繼家聲外，竹帛新添國史中。天子欲收秦隴地，故教移鎮在扶風。

寄白二十三舍人

早知內詔過先輩，躡蹻江南百事疎。滄浦城中為上佐，壚峰寺後看幽居。偏依仙法多求藥，長共僧遊不讀書。三省比來名望重，肯容君去樂樵漁。

五言絕句

和韋開州居山十二首

宿雲亭

清淨當深處虛明向遠開
卷簾無俗客應只見雲
來

梅溪

自愛新梅好行尋一徑斜
不教人掃石恐損落來
花

茶嶺

紫芽連白蘂初向嶺頭生
自看家人摘尋常觸露
行

流杯渠

淥酒白螺杯隨流去復回
似知人把處各向面前
來

盤石磴

壘石連空遠層層勢更危
不知行幾匝得到上頭
時

桃塢

春塢桃花發多將野客遊
日西殊未散看盞酒缸
頭

竹巖

登 獨入千竿裏綠巖踏石層笳頭齊歎出更不許人

琵琶臺

臺上綠蘿春閒登不待人每當休暇日看屐戴綸
巾

葫蘆沼

曲沼春流滿新蒲映野鷺閒齋朝飯後拄杖遶行

多

隱月岫

月出深峰裏清光夏亦寒每嫌西落疾不得到明

看

繡衣石榻

山城無別味藥菜兼魚果時引繡衣人同來石上

坐

上士泉餅

堦上一眼泉四邊青石甃唯有護淨僧添餅將盥

漱

送遠客

憔悴遠行客殷勤欲別杯
九星壇下路幾日見重
來

寄西峯僧

松暗水涓涓夜涼人未眠
西峯月猶在遙憶草堂
前

禪師

獨在西峰頂年年閉石房
定中無弟子人到為焚
香

惜花

山中春已晚處處見花稀
明日來應盡林間宿不
歸

題暉師影堂

日早歎叅禪竟無相識緣
道場今獨到惆悵影堂
前

涇州塞

行道涇州塞唯聞羗戍輦
道邊古雙堠猶記向安
西

野田

漠漠野田草草中牛羊道古墓無子孫白楊不得
老

岸花

可憐岸邊樹紅蕊發青條東風吹渡水衝着木蘭
橈

七言絕句

送蜀客

蜀客南行祭碧雞木綿花發錦江西山橋日晚行
人少時見猩猩樹上啼

送元結

昔日同遊漳水邊如今重說恨綿綿天涯相見還
離別客路秋風又幾年

宮山祠

秋草宮人斜裏墓宮人誰送葬來時千千萬萬皆
如此家在邊城亦不知

美人宮碁

紅燭臺前出翠娥海沙鋪局巧相和起行移手巡
收盡數數看誰得最多

蠻州

瘴水蠻中入洞流人家多住竹棚頭一山海工無
城郭唯見松牌記象州

送元宗簡

貂帽垂肩窄皂裘雪深騎馬向西州暫時相見還
相送却閉閒門依舊愁

寄徐晦

鄴陂魚美酒偏濃不出琴齋見雲峰應勝昨來趨
府日簿書牀上亂重重

寄白學士

自掌天書見客稀繼因休沐鎖雙扉幾迴扶病欲
相訪知何禁中歸未歸

喜王六同宿

十几年来恨別離唯同一宿詠新詩更相借問詩
中語共說如今勝舊時

題玉像堂

玉毫不着世間塵輝相分明十八身入夜無煙燈
更好堂中唯有轉經人

與賈島閒遊

永北原南草色新
雪消風暖不生塵
城中車馬應無數
解得閒行有幾人

哭丘長史

丘公已歿故人稀
欲過街西更訪誰
每到子城東路上
憶君相逐入朝時

哭孟寂

一作哭孟郊

曲江院裏題名處
十九人中最少年
今日春光吟不見
杏花零落寺門前

患眼

三年患眼今年校
免與風光便隔生
昨日韓家後園裏
看花猶似未分明

答劉競

劉君又被時拋擲
老向城中作選人
昨日街西相近住
每來存問老夫身

贈華嚴院僧

一身依止荒閒院
燭耀窓中有宿煙
徧禮華嚴經裏字
不曾行到寺門前

逢故人

山東一十餘年別今日相逢在上都說盡向來無限事相看盡是白髭鬚

送蕭遠弟

銜北槐花傍馬垂病身相送出門遲與君別後秋風夜作得新詩說向誰

送辛少府任安縣

才多不肯浪容身老大詩章轉更新選得天台山下住一家全作學仙人

贈任道人

長安多病無生計藥鋪醫人亂索錢欲得定知身上事憑君為算小行年

招周居士

閉門秋雨濕墻莎俗客來稀野思多已掃書齋安藥竈山人作意早經過

送許處士

高情自與俗人踈獨向藍谿僻處居會到白雲長取醉不能窓下讀閒書

送律師歸婺州

京中開講已多時曾作壇頭證戒師
歸到雙溪橋亦寺鄉僧爭就學威儀

題楊秘書新居

愛閒不向爭名地宅在街西最靜坊
卷裏詩過一千首白頭新受秘書郎

送暹師

九星臺下煎茶別五老峯頭覓寺居
作得新詩旋相寄人來請莫達空書

送僧往全州

聞道路陰山水好師行一一徧經過
事須覓取堪居處若箇谿頭藥最多

尋徐道士

尋師遠到暉天觀竹院森森閉藥房
聞入靜來經七日仙童簷下獨焚香

答開州韋使君寄車前子

開州午日車前子作藥人皆道有神
慙愧使君憐病眼三千里外寄閒人

憶故州

累石為山伴野夫自收靈藥讀仙書如今身是他
州客每見青山憶舊居

送客遊蜀

行盡青山到益州錦城樓下三江流杜家曾向此
中住為到浣花谿水頭

送陸暢

共踏長安街裏塵吳州獨作未歸身昔年舊宅今
誰住君過西塘與問人

感春

遠客悠悠任病身謝家池上又逢春明年各自東
西去此地看花是別人

贈李司議

漢庭誰問投荒客十載天南著白衣秋草茫茫惡
谿路嶺頭還送冰人歸

別客

青山歷歷水悠悠今日相逢明日秋繫馬城邊楊
柳樹為君沽酒暫淹留

登樓寄胡家兄弟

獨上西樓盡日間
林煙演漾鳥綿蠻
謝家兄弟重城裏
不得同看雨後山

答劉明府

身病多時又客居
滿城親舊久相疎
可憐終縣劉明府
獨解頻頻寄遠書

酬藤杖

病裏出門行步遲
喜君相贈古藤枝
倚來自覺身生力
每向傍人說得時

法雄寺東樓

汾陽舊宅今為寺
猶有當時歌舞樓
四十年来車馬絕
古槐深巷暮蟬愁

寄故人

靜曲閒房病客居
蟬聲滿樹槿花疎
故人祇在藍田縣
強半年来未得書

鄰婦哭征夫

雙鬟初合便分離
萬里征夫不得隨
今日軍回身獨歿
去時鞍馬別人騎

和崔駙馬聞蟬

鳳凰樓下多歡樂不覺秋風暮
雨天應為昨來身暫病蟬聲
得到耳傍邊

和裴僕射看櫻桃花

昨日南園新雨後櫻桃花發
舊枝柯天明不待人同看
遶樹重重履跡多

和長安郭明府與友人縣中會飲

一罇清酒兩人同好在街西
水縣中自恨病身相去遠
此時間對秋風

唐昌觀看花

一作興唐

新紅舊紫不相宜看覺從前
兩月遲更向同來詩客道
明年到此莫過時

九華觀看花

街西無數閒遊處不似九華
仙觀中花裏可憐池上景
幾重墻壁貯春風

贈姚合

丹鳳城門向曉開千官相次
入朝來唯君獨走銜塵上下
馬橋邊報直迴

同韋員外開元觀尋時道士

觀裏初晴竹樹涼
閒行共到最高房
昨來官罷無生計
欲就師求斷穀方

同韓侍御南谿夜賞

喜作閒人得出城
南谿兩月逐君行
忽聞新命須歸去
一夜船中語到明

使行望悟真寺

採玉峰連佛寺幽
高高斜對驛門樓
無端來去騎官馬
寸步教身不得遊

重陽日至峽道

無限青山行已盡
迴看忽覺遠離家
逢高欲飲重陽酒
山菊今朝未有花

贈主客劉郎中

憶昔君登南省日
蒲衣猶是褐衣身
誰知二十餘年後
來作客曹相替人

同嚴給事聞唐昌觀玉蕊近有仙過作二首

千枝花裏玉塵飛
阿母宮中見亦稀
應共諸仙鬪百草
獨來偷折一枝歸

九色雲中紫鳳車
尋仙來到洞仙家
飛輪迴處無踪跡
唯有班班滿地花

秋思

洛陽城裏見秋風
欲作歸書意萬重
復恐匆匆說不盡
行人臨發又開封

憶遠

行人猶未有歸期
萬里初程日暮時
唯愛門前雙柳樹
枝枝葉葉不相離

玉仙館

長谿新雨色如泥
野水陰雲盡向西
楚客天南行漸遠
山山樹裏鷓鴣啼

寄府吏

野外尋花共作期
今朝出郭不相隨
待君公事有閒日
此地春光應過時

張蕭遠雪夜同宿

數卷新遊蜀地詩
長安僻巷得相隨
草堂雪夜携琴宿
說似青城館裏詩

涼州詞三首

張集 卷八
邊城暮雨鴈飛低蘆筍初生漸欲齊無數鈴聲遙
過磧應馱白練到安西
鳳林關裏水東流白草黃榆六十秋邊將皆承主
恩澤無人解道取涼州
古鎮城門白磧開胡兵往往傍沙堆巡邊使客行
應早欲問平安無使來

宮詞

新鷹初放兔猶肥白日君王在內稀薄暮千門臨
欲鎖紅粧飛騎向前歸

華清宮

溫泉流入漢離宮宮樹行行浴殿空武帝時人今
欲盡青山空閉御墻中

崔駙馬養鶴

身閒無事稱高情已有人間章句名求得鶴來教
翦翅望仙臺下亦將行

閒遊

老身不計人間事野寺秋晴每獨過病眼校來猶
斷酒却嫌行處菊花多

劉兵曹贈酒

一併顏色似秋泉
開向新栽小竹前
飲罷身中更無事
移床獨就夕陽眠

送梧州王使君

楚江亭上秋風起
看發蒼梧太守船
千里同行從此別
相逢又隔幾多年

春日早朝

曉陌春寒朝騎來
瑞雲深處見樓臺
夜來新雨沙堤濕
東上閣門應未開

寄朱闕二山人

為箇朝章束此身
眼看東路去無因
歷陽舊客今應少
轉憶鄰家二老人

寄李渤

五度谿頭躑躅紅
嵩陽寺裏講時鍾
春山處處行應好
一月看花到幾峰

尋仙

谿頭一徑入青崖
處處仙居隔杏花
更見峯西幽客說
雲中猶有兩三家

同白侍郎杏園贈劉郎中

一去瀟湘頭已白今朝始見杏花春從來遷客應
無數重到花前有幾人

荅鄱陽客藥名詩

江臯歲暮相逢地黃葉霜前半夏枝子夜吟詩向
松桂心中萬事喜君知

寄宋景

詔發官兵取亂臣將軍弓箭不離身君今獨在征
東府莫追功名屬別人

寄王奉御

愛君紫閣峰前好新作書堂藥竈成見欲移居相
近住有田多與種黃精

題渭北寺上人

昔祭郊壇今謁陵寺中高處復來登十餘年後人
多別喜見當時轉讀僧

間遊

終日不離塵土間若為能見此身間今朝暫共遊
僧語更恨多時別舊山

倡女詞

輕鬢叢梳潤掃眉為嫌感日下樓稀盡羅金縷難
相稱故着尋常淡薄衣

荅元八遺紗帽

黑紗方帽君邊得稱對山前坐竹牀唯恐被人偷
樣剪不會間戴出書堂

題僧院

聞師行講青龍院大寸往來多少年靜掃空房唯
獨坐千莖秋竹在簷前

送元八

百神齋祭相隨徧尋水看山亦共行明日城西送
君去舊遊重到獨題名

吳楚歌詞

庭前春鳥啄林巖紅夾羅襦縫未成今朝社日停
針線起向朱櫻樹下行

題方睦上人月臺觀

一身清淨無童子獨坐空堂得幾年每夜焚香通
月觀可憐光影最團圓

華山廟

金天廟下西京道巫女紛紛走似煙
手把紙錢迎過客遣求恩福到神前

病中酬元宗簡

東風漸暖滿城春獨向深房養病身
莫說櫻桃花已發今年不作者花人

寺宿齋

晚到金光門外寺寺中新竹隔簾多
齋宮禁與僧相見院院開門不得過

贈施有吾

世間漸覺無多事雖得空名未着身
合取藥成相待契不須先作上天人

贈王建

自君去後交遊少東野亡來篋笥貧
賴有白頭王建在眼前猶見詠詩人

逢賈島

僧房逢着款冬花出寺行吟日已斜
十二街中春雪遍馬蹄今去入誰家

楚妃怨

梧桐葉下黃金井橫架
輓轡牽素綆美人初起天
未明手拂銀瓶秋水冷

離宮怨

高堂別館連湘渚長向春光開萬戶
荆王去去不復來宮中美人自歌舞

成都曲

錦江近西烟水綠新雨山頭荔枝熟
萬里橋邊多酒家遊人愛向誰家宿

寒塘曲

寒塘沉沉柳葉疎水暗人語驚棲鳧
舟中少年醉不起持燭照水射遊魚

春別曲

長江春水綠堪染蓮葉出水大如錢
江頭橘樹君自種那不长繫木蘭船

臺城

臺城六代競豪華結綺臨春事最奢
萬戶千門成野草不綠一曲後庭花

春詞

新粧面面下朱樓深鎖春光一院愁行到中庭教
花朵蜻蜓飛上玉搔頭

浪淘沙詞

鸚鵡洲頭浪颭沙青樓春望日將斜啣泥燕子爭
歸舍獨自狂夫不憶家

傷愚溪二首

柳門竹巷依依在野草青苔日日多縱有鄰人解
吹笛山陽舊侶更誰過

溪水悠悠春自來草堂無主燕飛回隔簾唯見中
庭草一樹山榴依舊開

聽舊宮人穆氏唱歌

曾隨織女渡天河記得雲間第一歌休唱貞元供
奉曲當時朝士已無多

楊柳枝詞二首

煬帝行宮汴水濱數株殘柳不勝春晚來風起花
如雲飛入宮牆不見人

城外春風吹酒旗行人揮袂日西時長安陌上無

窮樹唯有垂楊管別離

宿都庭有懷

雷雨湘江起卧龍武陵樵客躡仙蹤十年楚水楓
林下今夜初聞長樂鍾

無題

桃蹊柳陌好經過燈下粧成月下歌為是襄王故
宮地至今猶有細腰多

堤上行二首

酒旗相望大堤頭堤下連牆堤上樓日暮行人爭

渡急槳聲幽軋滿中流

江南江北望烟波入夜行人相應歌桃葉傳情竹
枝怨水流無限月明多

竹枝詞五首

白帝城頭春草生白鹽山下蜀江清南人上來歌
一曲非人莫上動鄉情

日出三竿春霧銷江頭蜀客駐蘭橈憑寄狂夫書
一紙家住成都萬里橋

瞿唐嘈嘈十二灘此中道路古來灘長恨人心不

如水等閒平地起波瀾
山上層層桃李花雲間烟火是人家銀釧金釵來
負承長刀短笠去留畬
楊柳青青江水平聞郎江上唱歌聲東邊日出西
邊雨道是無情還有情

楊柳送客

青楓江畔白蘋洲楚客傷離不待秋君見隋朝更
何事綠楊南渡水悠悠

送客還幽州

惆悵秦城送獨歸薊門雲樹遠依依秋來莫射南
飛鴈從遣乘春更北飛

揚州送客

南行直入鷓鴣群萬歲橋邊一送君聞道望鄉聽
不得梅花暗落嶺頭雲

隋宮燕

燕語如傷舊國春宮花零落旋成塵自從門閉春
光後幾度飛來不見人

山禽

山禽毛如白練帶栖我庭前栗樹枝獼猴半夜來
取果一雙中林向月飛

秋山

秋山無雲復無風溪頭看月出深松草堂不閉石
床靜葉間墜露叢重重

玉真觀

臺殿曾為貴王家春風吹盡竹窓紗院中仙女修
香火不許閒人入看花

蠻中

銅柱南邊毒草春行入幾日到金麟玉鐲穿耳誰
家女自抱琵琶迎海神

贈道士

茆山近別剡谿逢玉節青旄十二重自說年年上
天去羅浮最近海邊峰

重平驛作

茫茫菰草平如地渺渺長堤曲似城日暮未知投
宿處逢人更問向前程

宿天竺寺寄盧隱寺僧

夜向靈溪息此身風泉竹露淨衣塵月明石上堪
同宿那作山南山北人

樂府三十三首

隴頭行

隴頭路斷人不行胡騎已入涼州城漢兵處處格
鬪死一朝盡沒隴西地驅我邊人胡中去恣放牛
羊食禾黍去年中國養子孫今看擅裘學胡語誰
能還使李輕車重取涼州屬漢家

廢宅行

胡馬崩騰滿阡陌都人避亂唯空宅宅邊青桑垂
宛宛野蠶食葉還成繭黃雀啣草入燕窠嘖嘖啾
啾白日晚去時禾黍埋地中飢兵掘土翻重重鷓
臯養子庭樹上曲墻空屋屋一作室多旋風亂定幾入
還本土唯有官家重作主

秋夜長

秋天如水夜未央天漢東西月色光愁人不寐畏
枕席暗虫嘖嘖遠我傍荒城為村無更鼓起看非
斗天未明白露滿田風裊裊千聲萬聲鶻鳥鳴

塞上曲

邊州八月修城堡候騎先燒磧上草胡風吹沙度
 隴飛隴頭林木無非枝將軍閱兵青塞下鳴鼓鼙
 鼙促獵圍天寒山路石斷裂白日不銷帳上雲烏
 孫固亂多降胡詔使名王持漢節年年征戰不得
 間邊人殺盡唯空山

董逃行

洛陽城頭火曈曈亂兵燒我天子宫宮城南面有
 深山盡將老幼藏其間重巖為屋椽為食丁男夜
 行候消息聞道官軍猶掠人舊里如今歸未得董
 逃行漢家幾時重太平

江村行

南塘水深蘆筍齊下田種稻不作畦耕塲磷磷在
 水底短衣半染蘆中泥田頭刈莎結為屋歸來繫
 牛還獨宿水淹手足盡為瘡山虫遠衣飛撲撲桑
 村樵黑蠶耳眠小姑採桑不餉田江南熟早天氣
 毒雨中移秧顏色鮮一年耕種長苦辛田熟家家
 將賽神

湘江曲

湘江無潮秋水濶湘中月落行人發行人發送人
歸白蘋茫茫鷓鴣飛

白鼉吟

天欲雨有東風南溪白鼉鳴窟中六月人家井無
水夜聞鼉聲人盡起

樵客吟

山上採樵選枯樹深處樵多出辛苦秋來野火燒
樛林枝柯已枯堪採取斧聲坎坎在幽谷採得齊

稍青葛束日西待伴同下山竹擔彎彎向身曲共
知路傍多虎穴未出深林不敢歇村西地暗狐兔
行稚子叫時相應聲採樵客莫樵松與栢松栢生
枝直且堅與君作屋成家宅

春江曲

春江無冰潮水平蒲心出水鳧雛鳴長干夫婿愛
遠行自染春衣縫已成妾身長金陵側去年夫
婿住江北春來未到父母家舟小風多渡不得欲
辭舅姑先問人私向江頭祭鬼神

烏棲曲

西山作宮花滿池宮烏曉鳴茱萸枝吳姬採蓮自
唱曲君王昨夜船中宿

短歌行

青天蕩蕩高且虛上有白日無根株流光斲出還
入地使我少年不須更與君相逢勿寂寞衰老不
復如今樂金卮盛酒置君前再拜勸君千萬年

泗水行

泗水流急石纂纂鯉魚上下紅尾短春冰消散日

雪滿行舟往來浮橋斷城邊漁市人早行水烟漠
漠多棹聲

雲童行

雲童童白龍之尾垂江中今年天旱不作雨水足
牆上有禾黍

長塘湖

長塘湖一斛水中半斛魚大魚如柳葉小魚如針
鋒水濁誰能辨真龍

雀飛多

雀飛多觸網羅網羅高樹顛汝飛蓬蒿下勿復投
身網羅間粟積倉禾在田巢之雛望其母來還

寄菖蒲

石上生菖蒲一寸十二節仙人勸我食令我頭青
面如雲逢人寄君一絳囊書中不得傳此方君能
來作棲霞侶與君同入丹玄鄉

山頭鹿

山頭鹿雙角芟芟尾促促貧兒多租輸不足夫死
未葬兒在獄早日熬熬烝野岡禾黍不熟無獄糧

縣家惟憂少軍食誰能令爾無死傷

憶遠曲

水上山沉沉征途復繞林途荒人行少馬迹猶可
尋雲中獨立樹海口失侶禽離憂如長線千里縈
我心

春堤曲

野塘鷓鴣飛樹頭綠蒲紫菱蓋碧流誰家狂客愛
雲水日日獨來城下游

湖南曲

瀟湘多別離風起芙蓉洲江工人已遠夕陽滿中
流鴛鴦東南飛飛上青山頭

春水曲

鬲鬲嘴啞啞青蒲生春水狹蕩漾木蘭船中有雙
少年少年醉鬲不起

送遠曲

吳門向西流水長水長柳暗烟茫茫行人送客各
惆悵話離叙別傾清觴吟絲竹鳴笙簧酒酣性逸
歌猖狂行人告我挂帆去此去何時返故鄉殷勤

振衣兩相囑世事近來還淺促願君看取吳門山
帶雪經春依舊綠行人行處求知親送君去去徒
酸辛

楚妃怨

湘雲初起江沉沉君王遙在雲夢林江南雨多旌
戟暗臺下朝朝春水深章華殿前朝下國君心獨
自終無極楚兵滿地兼逐禽誰用一身騁筋力西
江若翻雲夢中麋鹿死盡應還宮

春日行

春日融融池上暖竹芽出土蘭心短草堂晨起酒
半醒家僮報我二有後字園花一有已字滿頭上皮冠未曾
整直入花間不尋逕樹樹殷勤盡繞行攀枝未遍
春日暝不用積金看青天不用服藥求神仙但願
園裏花長好一生飲酒花間老

虞瑟詞

古瑟在匣誰復識玉柱顛倒朱絲黑千年曲譜不
分明樂府無人傳正聲秋虫暗穿塵作色腹中不
辯工人名幾時天下復古樂此瑟重奏雲門曲

洛陽行

洛陽宮闕當中州城上戕戕十二樓翠華西去幾
時邊鳥巢乳鳥藏蟄燕御門空鎖五十年稅彼農
夫修玉殿六街朝暮鼓瑟瑟禁兵持戟守空宮百
官日月拜章表驛使相續長安道上陽宮樹黃復
綠野豸入苑食麋鹿陌上老翁雙淚垂共說我皇
巡幸時

懷別

僕人驅行軒低昂出我門離堂無甬客席上唯琴

樽古道隨水曲悠悠繞荒村遠程未奄息別念在
朝昏端居愁歲永獨此田輕景豈無經過人尋嘆
門巷靜君如天上雨我如屋下井無因同波流願
作形與影

離婦

十載來夫家閨門無瑕疵薄命不生子古制有分
離託身言同穴今日事乖違念君終棄捐誰能強
在茲堂上謝姑嫜長跪請離辭姑嫜見我往將決
復沉疑與我古時釗田我嫁時衣高堂拊我身一拊

無作哭我於路陞昔日初為婦當君貧賤時晝夜常
紡績不得事蛾眉辛勤積黃金濟君寒與饑洛陽
買大宅邨邨買侍兒夫壻乘龍馬出入有光儀將
為富家婦永為子孫資誰謂出君門一身上車歸
有子未必榮無子坐生悲為入莫作女作女實難
為

新桃

桃生葉婆娑枝葉四面多高未出墻顛蒿莧相凌
摩植之三年餘今年初試花秋來未成實其陰良

已嘉青蟬不來鳴安得迅羽過常恐牽絲虫蒙幕
成網羅顧託戲童兒勿折吾柔柯明年結甘實磊
磊充汝家

惜花

濛濛庭樹花墜地無顏色日暮東風起飄揚玉堦
側殘蕊在猶稀青條聳復直為君結芳實令君勿
嘆息

古風二十七首

董公詩

湯中謂此篇與學仙樂天所稱謂可下誨藩臣諷人主

誰主東諸侯元臣隴西公旌節居汴水四方皆承
風在朝四十年天下誦其功相我明天子政成如
太宗東方有艱難公乃出臨戎單車入危城慈惠
安群兇公謂其黨言汝材甚驍雄為我帳下士出
入衛我躬汝息為我子汝親我為翁衆皆相顧泣
無不和且恭其父教子義其妻勉夫忠不自以為
資奉上但顛顛公衣無文采公食少肥濃所憂在
萬人人實我寧空輕刑寬其政薄賦施租庸四郡
三十城不知歲饑凶天子臨朝喜元老置在東今

聞揚盛德就安我大邦百辟賀明主皇風恩賜重
 朝廷有大事就決其所從海內既無虞君臣方肅
 雍端居任僚屬宴語常從容翩翩者蒼鳥來巢於
 林叢甘瓜生塲圃一蒂實連中田有嘉穀異隴畝
 穗亦同賢人佐聖人德與神明通感應我淳化生
 瑞我地中昔者此州人但矜馬與弓今公施德禮
 自然威武崇公與其百年受祿將無窮

學仙

樓觀開朱門樹木連房廊中有學仙人少年休穀

糧高冠如芙蓉霞月披衣裳六時朝上清佩玉紛
 鏘鏘自言天老書祕覆雲錦囊百年度一人妄泄
 有災殃每占有仙相然後傳此方先生坐中堂弟
 子跪四廂金刀截身髮結誓焚靈香弟子得其訣
 清齋入空房守神保元氣動息隨天罡爐燒丹砂
 晝晝夜候火光藥成既服食計日乘鸞鳳虛空無
 靈應終歲安所望勤勞不能成疑慮積心腸虛羸
 生疾疹壽命多天傷身歿懼人見夜埋山谷傍求
 道慕靈異不如守尋常先王知其非戒之在國章

沈千運舊居

汝非君子宅我來見頽墉亂離子孫盡地屬隣里
翁土木被立墟蹊路不相通舊井蔓草合牛羊墜
其中君辭天子書放意任體躬一生不自力家與
逆旅同高議切星辰餘骸激瘖聾方將旌舊問百
歲可封崇嗟其未積年已為荒林叢時豈無知音
音作者莫能敦此風浩蕩竟無覩我將安所從

懷友

人生有行役誰能如草木別離感中懷乃為我桎

梏百年受命短光景良不足念我別離者願懷日
月促平地施道路車馬往不復空知為良田秋望
禾黍熟端居無儔侶日夜禱耳目立身難自覺常
恐恐作憂與辱窮賤無閒暇疾疹多嗜慾我思携
手人逍遙任心腹

寄韓愈

野館非我室新居未能安讀書避塵雜方覺此地
閒過郭多園墟桑果相接連獨游竟寂寞如寄空
雲山夏景常晝毒密林無鳴蟬臨溪一盥濯清去

升集 卷八 九四
肢體煩出林望曾城君子在其間戎府草章記阻
我此游盤憶昔西潭時並持釣魚竿共忻得魴鯉
烹鱸于我前幾朝還復來嘆息時獨言

別段生

與子骨肉親願其長相隨况離父母傍從我學詩
書同在道路中講誦亦未窺為文于我前日夕生
光儀行役多疾疹賴此相扶持貧賤事俱難今日
有別離我去秦城中子由汴水湄離情兩飄斷豈
異風中絲幼年獨為客舉動難為宜努力自修勵
長如見我時我時登山岡再揖問還期還期在新
年勿怨歡會遲

贈姚怱

漏天日無光澤土松不長君今臧下位志氣安得
揚束髮文思壯才為國賢良無人識高韻薦于天
子傍况我愚村姿強趨利名場遠同干貴人身舉
固難彰昔逢汴水濱今會習池陽豈無再來期顧
恐非此方願為石中泉不為瓦上霜離別勿復道
所貴不相忘

傷于鵠

西山無逸人忽覺大國貧良玉沉幽泉名為天下
珍野性疎時俗再命乃從軍氣高終不合去如鏡
上塵我初有章句相合者惟君今來吊嗣子對籠
燒斯文耕者廢其耜爨者絕其薪笥無新衣裳冕
用先我身奠面徒再拜昔意安能陳徒保金石韻
千載人所聞

獻從兄

悠悠旱天雲不遠如飛塵賢達失其所沉飄同衆
人擢秀登王畿出為良使賓名高滿朝野幼賤誰
不聞一朝遇譏邪流竄八九春詔書近遷移組綬
未及身冬井無寒冰玉潤難為焚虛懷日迢遙榮
辱常保純我念出游時每吟康樂文願言靈溪期
聊歆相依因

南歸

促促念道路四支不常寧行車未及家天外非盡
程骨肉望我歡鄉里望我榮豈知東與西憔悴竟
無成天寒苦夜長窮者不念明懼離其寢寐百憂

傷性靈世道多險薄相勸異忠誠遠游無知音不
如商賈行達人
有常志愚夫勞無營舊山幸未賣
言歸樂此生

卧疾

身病始知道卧讀神農經空房夜半燈四壁青熒
熒羈旅逐人歡貧賤還自輕今來問良醫乃知病
所生僮僕各相憂杵臼無停聲見我形憔悴勸藥
語丁寧春雨枕席冷窓前新禽鳴開門起無力遥
愛鷄犬行服藥察耳目漸覺如酒醒方悟養生者

不為憂患并

贈孟郊

歷歷天上星沉沉水中萍幸當清秋夜流影及微
形君生衰俗間立身如禮經淳意發高文獨有金
石聲才名振京國歸省東南行停車楚城下顧我
不念程寶鏡曾墮水不磨難自明苦節居貧賤所
知賴友生歡會方別離戚戚憂慮并安得在一方
終老無送迎

城南

漾漾南澗水來作曲池流言尋參差島曉榜輕盈
一萬繞不再止千尋盡孤幽藻澁訝人重萍分指
魚遊繁苗毯下垂密箭翻迴轉曝鼈亂自墜陰藤
斜相鈎卧蔣黑米吐翻芡紫角稠橋低競俯樓亭
近閒夷猶目為逐勝朗手因掇芳柔漸喜游來極
忽疑歸無由氣狀雖可覽纖微諒難搜未聽主人
賞徒愛清華秋

夜懷

窮居積遠念轉轉迷所歸幽蕙零落色暗螢參差

飛病生秋風簟淚墮明月衣無愁坐寂寞重使秦
清徽

奉和舍人叔直省時思琴

藹藹紫微直秋意深無窮滴瀝仙閣漏蕭穆禁池
風竹月泛涼影萱露澹幽叢地清物態勝宵閒琴
思通時屬雅音際迥凝虛抱中達人掌樞近人與
隱默同

野寺後池寄友

佛寺連野水池幽夏景清繁木蔭芙蓉渠時有水禽

鳴通溪岸整斷分渚流復縈伴僧鐘磬罷月來池
上明友人竟不至東北見高城獨游自寂寞况此
恨盈盈

寄別者

天正飛雲行人心切切同為萬里客中路忽離
別別君汾水東望君汾水西積雲無平岡空山無
人蹊羸馬時倚猿行行未遑食下車勸僮僕相顧
莫歎息詎知佳期隔離念終無極

病中寄白學士拾遺

秋亭病客眠庭樹滿枝蟬涼風繞砌起斜影入牀
前梨晚漸紅墮菊寒無黃鮮倦游寂寞日感嘆蹉
跎年塵歡久消委華念獨延延自寓城闕下識君
弟事焉君為天子識我方沉病纏無因會同語悄
悄中懷煎

雨中寄元宗簡

秋堂羸病起盥漱風雨朝竹影冷踈澁榆葉暗飄
蕭街徑多墜果墻隅有蛻蛸延瞻游步阻獨坐閒
思饒君居應如此恨言相去遙

惜花

春潭足芳樹水清不如素幽人愛華景一一空山
暮月出潭氣白游魚暗衝石夜深春思多酒醒山
寂寂

別于鵠

離燈及晨輝行人起復思出門兩相顧青山路透
迤

祭退之

嗚呼吏部公其道誠巍昂生為大賢姿天使光我

唐德義動鬼神鑒用不可詳獨得椎直氣發為古
文章學無不該貫吏治得其方三次論諍退其志
亦剛強再使平山東不言所謀臧薦待皆寒羸但
取其才良親朋有孤稚婚姻有辦營如彼天有斗
人可為信常如彼歲有春物宜得華昌哀哉未申
施中年遽殂喪朝野良共哀矧於知舊腸籍在江
湖間獨以道自將學詩為眾體久乃溢笈囊畧無
相知人黯如霧中行非遊偶逢公盛語相稱明名
因天下聞傳者入歌聲公領試士司首薦到上京

集 卷八
一來遂登科不見苦貢場觀我性朴直乃言及平生由慈類朋黨骨肉無以當坐令其子拜常呼幼時名追招不隔日斷踐公之堂出則連轡馳寢則對榻床搜窮古今書事事相酌酌一作斟量有花必同尋有月必同望為文先見草釀熟偕共觴新果及異鮭無不相待嘗到今三十年曾不少異更公文為時帥我亦有微勳而後之學者或號為韓張我官麟臺中公為大司成念此委末秩不能力自揚特狀為博士始獲升朝行未幾享其資遂忝南宮

即是事賴拯扶如屋有棟梁去夏公請告養疾城南庄籍時官休罷兩月同游翔黃子陂岸曲地曠氣色清新池四平漲中有蒲荇香非臺臨稻疇茂柳多陰涼板亭坐垂釣煩苦稍已平共愛池上佳聯句舒遐情偶有賈秀才來茲亦間并移船入南溪東西縱篙根劃波激船舷前後飛鷗鷺回入潭瀨下網截鯉與魴踏沙掇水蔬樹下烝新杭日來相與嬉不知暑日長柴翁携童兒聚觀於岸傍月中登高灘星漢交垂芒釣車擲長綫有獲齊歡驚

夜闌乘馬歸衣上草露光公為游谿詩唱咏多慨
慷自期此可老結社於其鄉籍受新官詔拜恩當
入城公因同歸還居處隔一坊中秋十六夜魄圓
天差晴公既相邀畱坐語於楮楹乃出二侍女合
彈琵琶箏臨風聽繁絲忽遽聞再更顧我數來過
是夜涼難忘公疾浸日加孺人視藥湯來候不得
宿出門每迴遑自是將重危車馬候

缺

山中醜人

山中日爰春鳩鳴逐水看花任意行
何晚歸來石

窓下嘗蒲葉上見通名

岳州晚景

此詩舊選皆云張正言作

晚景寒鴉集秋聲遠雁歸水光浮日去霞彩映江
飛洲白蘆花吐園红柿葉稀長沙卑濕地九月未
成衣

水

已上三首見木鐸集

蕩漾空沙際虛明入遠天秋光照不極鳥色去無
邊勢引長雲濶波輕片雲連江洲杳難測萬古覆
蒼烟

送安法師

出郭見落日別君臨古津
遠程無野寺宿處問何人
原色不分路鈿轂遙隔塵
山陰到家節猶及薰蘭春

寄靈一上人初歸雲門寺

寒山白雲裏法侶自招携
竹逕通城下松門隔水西
方同沃洲去不休武陵迷
彷彿遙看處秋風是會稽

夏日閒居

無事門多閉偏知夏日長
早蟬聲寂寞新竹氣清涼
閒對臨書案看移曬藥牀
自憐歸未得猶寄在班行

老将

鬢衰頭似雪行步急如風
不怕騎生馬猶能挽硬弓
兵書封錦字手詔滿香筒
今日身憔悴猶誇定遠功

訓浙東元尚書見寄綾素

越地繒紗紋樣新遠封來
寄學曹人便令裁制為

時服頓覺光榮上病身應念此官同棄置獨能相
賀更殷勤三千里外無由見海上東風又一春

贈項斯

端坐吟詩忘忍飢萬人中覓似君稀門連野水風
長到驢放秋原夜不歸日煖剝收桑落葉天寒更
着舊生衣曲江庭上頻頻見為愛鷓鴣雨裏飛

題故僧影堂

香消雲鎖舊僧家僧剝殘形半壁斜日暮松烟寒
漠漠秋風吹破絳蓮花

弱柏院僧影堂

弱柏倒垂如線蔓簷頭不見有枝柯影堂香火長
相續應得人來禮拜多

聯句

會合聯句

韓愈
張敞

孟郊

離別言無期會合意彌重

籍

病添兒女戀老喪丈

夫勇

愈

劍心知未謝詩思猶孤聳

郊

愁去劇箭飛

懽來若泉湧

徹

析言多新貫攄抱無昔塵

籍

念難

須勤追悔易勿輕踵

愈

吟巴山卓犖說楚波堆壘

郊馬辭虎豹怒舟出蛟鼉恐徹狂禽時孤軒禽作

幽狄雜百種愈瘴衣常腥膩蠻器多踈冗籍剥苔

吊斑林角飯餌沉塚愈忽爾銜遠命歸歟舞新新

郊鬼窟脫幽妖天居覲清拱愈京游步方振謫夢

意猶恟籍詩書誇舊知酒食接新奉愈嘉言寫清

越瘡病失朮腫郊夏陰偶高庇霄魄接虛擁愈雪

絃寂寂聽茗碗纖纖捧郊馳輝燭浮螢幽響泄潛

蝥愈詩老獨何心江疾有餘蘊郊我家本瀍穀有

地界臯鞏徹休迹憶沈冥峨冠慙闌躡郊十朝高

轡逸振物羣聽悚徒言濯幽泌誰與雜荒茸籍朝

紳鬱青綠馬飾曜珪珙國讐未銷鑠我志蕩邛

隴郊君才誠侗儻時論方洵溶一作洵堅如撞群金

耿若抽獨蛹愈伊余何所擬跛鼈詎能踊塊然墜

一作墜岳石飄爾腎巢毘郊龍旆垂天衛雲韶凝禁

甬籍君胡眠安然朝鼓聲洶洶愈

春池汎舟聯句裴度 賈餗 崔羣 劉禹錫

鳳池新雨後池上好風光禹錫上取酒愁春盡留

賓喜日長度送 戶部柳絲迎畫舸水鏡寫雕梁羣送 賈

潭洞迷仙府烟霞認醉鄉餽送張司業鶯聲隨笑語竹

色入壺觴籍送主客晚景含澄澈時芳得艷陽禹錫飛

鳧拂輕浪綠柳暗回塘度逸韻追安石高居勝辟

疆羣杯停新令舉詩動彩箋忙餽顧謂同來客歡

游不可忘籍

宴興化池亭送白二十二東歸裴劉白

東洛言歸去西園告別來白頭青眼客池上手中

杯度離瑟殷勤奏仙舟委曲回征輪今欲動賓閣

為誰開禹錫坐弄琉璃水行登淥縹苔花低妝

影泮散酒吹醅居易岸蔭新抽竹亭香欲變梅隨

游多笑傲遇勝且徘徊籍澄澈連天鏡潏潏出地

雷林塘難共賞鞍馬莫相催度信及魚還樂機忘

鳥不猜晚晴槐墜露新暑石添苔禹錫擬作雲泥

別猶思頃刻陪歌餘珠貫斷飲罷玉峰頽居易雖

有消搖志其如磊落才會當重入用此去肯悠哉籍

首夏猶清和聯句裴劉白

記得謝家詩清和即此時居易餘花數種在密葉

幾重垂度芳謝入人惜陰成處處宜禹錫水萍爭

點綴梁燕共追隨行式亂蝶憐踈蕊殘鶯戀好枝

籍草香淺木歌雲勢漸多奇居易車服初寧體新

篁已出籬度與春為別近覺日轉行遲禹錫遠樹

風光少侵堦苔蘚滋行式唯思奉歡樂長得在西

池籍

薔薇花聯句裴白劉

似錦如霞色連春按夏開禹錫波紅分影入風好

帶香來度得地依東閣當階奉上台行式淺深皆

有態次第暗相催禹錫滿地愁英落綠隄惜掉面

度芳濃濡雨露明麗隔塵埃行式似着胭脂染如

經巧婦裁居易柰花無別計只有酒殘杯籍

西池落泉聯句裴白劉

東閣聽泉落能令夜興多行式散時猶帶沫涼處

却跳波度偏洗磷磷石還驚泛泛鷺籍色青塵不

染光白月相和居易噴雲縈松竹攢玉澱芰荷禹

錫對吟時合響觸樹更搖柯籍照圃紅分藥侵堦

綠浸莎居易日斜車馬散餘韻逐鳴珂禹錫

張司業詩集世所傳者有歷陽盱江二本咸
編次不全番陽湯侍講司諫中迺以家藏元
豐八年寫本刻而傳之其間篇什頗多於二
本辛酉歲余移告家居因合三本校之得其
樂府古風近體詩共七十九首錄于昆陵蔣
氏刊本後錯字亦稍為正惜未能盡去也余
嘗觀唐史稱司業為詩長于樂府多警句白
太傅讀其集賦詩曰張公何為者業文三十
春尤工樂府詞舉代少其倫而姚秘監又贈

詩曰妙絕江南曲淒涼怨女詩古風無敵手
新語是人知其為當時所推服者如此迨后
若張文懿公最重籍作荆公絕句云蘇州司
業詩名老樂府皆言妙入神其為異代所稱
仰也又如此然則司業之詩是可遺其一耶
今增定之則滄洲之珠庶幾無遺延津之劍
得以復合非敢附于四公之後也七月既望

識

